


香山集

喻



欽定四庫全書



香山集卷一 宋 喻良能 撰

賦

喜賦 并序

昔江文通為恨賦備盡古今之情致予謂恨

既有之喜亦宜然因擬之而作喜賦為

遊攬竹素往躅具存喜緒爰集喜氣滋殷予為畸人未

嘗有喜想像古者喜而不寐粵若劉項爭雄太公留楚

視以必殺置諸鼎俎侯生壹說脫之虓虎徒馭既備上
馬徑去草羈思為歸心變孤因為大父又若號為上公
震為長子沈疴既嬰溘然以死衆醫環視袖手莫施有
扁斯鵲曰猶可治療以刀圭起僵行尸沈玄夜而復反
游岱宗而還歸四體和平天地清夷子卿在外十有九
年始末一節嶮巇萬端去草食而食鼠仰雪花而餐羶
分為始節寧冀生還忽虎節之來臨知鴈書之既達狼
心易慮許歸漢關李陵置酒而高會九人相隨而進發
行復行兮紫塞春遠復遠兮邊地月又如安石督軍前
臨大敵重將帥之指授懼人馬之辟易俄北騎兮獸遁
致淮肥兮尸積投布韋至圍碁方遒雖攝書而置床亦
過戶而折屐別有都尉風流王姬嬋娟人既離而復合
鏡已缺而重圓恨昔鳳兮影隻慶今枝兮理連掖亭麗
姝京都俊雅藉絳葉兮為媒鞭紫鸞兮同跨恍魂夢之
遊仙說衾稠之蘭麝若乃脫身輓輅奮迹新豐朝奏暮
召言聽計從如巨魚兮縱壑猶毛兮遇風暢積祀之湮

鬱豁平生之心曾嗟乎喜雖一名事有萬族魯侯終燕
於壽母文公乍聞於子王陶朱縱棹兮五湖季倫暢飲
兮金谷虞卿賜白璧兮一雙吏部浮酒舡兮百斛莫不
發莞粲於笑貌見紅黃於眉目故夫喜既首於七情蓋
亦先民之所欲
古甕賦
甕得於紹興丙辰今二十有八年矣愛其古
甚故賦之其辭曰

丙辰中春積雨新霽令僕夫以駕牛治南村之廢地耕
未竟畝洞然有聲躑躅不進人牛俱驚下有物兮混然
天成象田家之瓦盆肖茅茨之土釧薄言扣之其聲鑑
鏗款識不存莫知其年四耳附離一蓋孤圓口絨六寸
之壁腹受三斗之書不窕不櫛不苦不窳團團馬藥藥
焉何其肌理之堅而形模之古也固藏甚密宜有所盛
而視之朽而不盈噫嘻悲夫豈秋草朔風閨人愁心思
寄征衣欲擣寒碓藉爾清響振其遠音歲久俱廢塊然

獨瘖者歟豈天高氣清落月橫生幽人妙興將調素琴
假通逸韻相其悲吟人琴云亡草蔓見侵者歟又豈曰
刃縱橫竄伏長林埋金韜玉規人莫尋至寶忽逝獨留
幽深者歟抑豈却立鍊形鶴駕鷲駝害其丹砂靈泥是
絨五色羽化此為埽淫者歟夫物無隱而不彰器無幽
而不闡美陽得尸臣之勗太康獲汲書之簡皆所以秘
之於古者法之於久遠顧此甕之誰藏必因余而後顯
喻子於是濯以清泉藉以香荃貯濁醪之渾渾充皤腹
之便便謝漢陰之低抱伴吏部之高眠旅滑稽之鴟夷
拍浮丘之酒每傾倒而一醉益足以攀七賢而追八仙
矣

菊賦

并序

喻子有園二晦畦菊百本日遊其間乃為之

賦其辭曰

西風兮東籬金英兮紫枝著嘉名兮既遠豈象卉兮等
夷標黃華兮月令寓落英兮楚辭生高岡兮燭原隰吟

鮑昭兮賦潘尼互松兮偕祀徑淵明兮宅天隨秋日兮
淒淒秋露兮離離萬木槁兮既下一鴈鳴兮初飛送孟
嘉兮帽落逆王弘兮白衣其操兮箕山之潔其韻兮竹
林之絕瀏兮禦寇之御風慄兮馬曹之泛雪臨清流兮
子陵之居瀨含夕霏兮真長之望月孤叢兮特秀幽香
兮微透紫蝶兮黃蜂凜既寒兮猶湊聘芙蓉以為妃兮
命秋蘭以為友官槐斂迹以杳逝兮巖桂容沮而色黝
揖江梅以先發兮曰子之茂兮其庸可後邀黃葵以旅
處兮曰珠玉其在側予豈不知予之陋一東既多兮魏
帝之賜少者百年兮甘谷之壽枝葉老硬兮飽余腹於
五月葩華丰好兮悅余目於重九歲植百本日遠百匝
兮抑臨風而三嗅

辭

和歸去來辭

并序

悲身替何祕監道夫蜀人也賦歸去來辭歸守潼川
出其辭以示予因次韻以送子

歸去來兮樂莫樂于公之歸欣故里之可還何去國之
足悲悵習俗之方溺景先民而是追等窮通于夢幻孰
為是而孰非思江山之娛情歎京塵之染衣占東蜀之
分野粲藩星與少微嗟彼人士乃競乃奔修容飾詞伺
侯權門長裾日曳成性莫存何如先生癭杯匏樽醉羣
經以嘯傲潮紅臉于醜顏泯鳧鶴之短長知天命而自
安涉嶽塗以干榮笑七貴與人閑肯多慾以外慕每反
照而內觀洗俚儒之促訾挽淳風而使還琴之曲以婉
嵇笛三弄而追桓歸去來兮知公欲與造物游跡一已
以邈然故不忮而不求真此心于得喪復何懼以何憂
惟五為兮行春聊放目乎平疇行者爭塗渡者爭舟寄
高情於所陌眇一壑而一丘消田里之愁嘆霽政化而
日流歌袴襦于梓潼霽譽處而涪休已矣乎如公盛德
能幾人行胡無人為王留飄然任公之所之漫說效龔
遂誠心慕安期或公田而種秫或私力以耘耔斥三人
之巧宦陋四愁之俗詩流英風於千載公真淵明復何疑

五言古詩
一夔方佐舜二公還相周三傑從高祖四皓屈留侯五
龍翔日邊六逸嘯溪頭七賢傲竹林八仙隱糟丘九老
山中卧十友方外遊百鍊竟不變千載存風俗名節良
足貴萬事真悠悠

豪士

東海一豪士西山兩逸民涕唾棄周粟談笑無秦軍餓

死骨仍香辭封名益芬至今千載下不敢輕隱淪

雨後曉行

并序

曉景未炎宿雨新霽山容水色如在屏障間

喻子以巾漉酒履不惜手足根如意從以樵

青携淵明子厚詩篇臨清流白石上蔭翠樾

下數游儵詠南山之篇歌清池之章好風為

我吹衣好雲為我娛目於是心恬形適抵掌

頓足而起舞曰人生為樂亦有過於此者乎

樂而無詩如此景物何乃作五言一篇書之

木葉公

宿雨曉初收長天澹如洗解帶臨清流泉勢細娛耳有
到到愚溪還似遊栗里人生若此少貧賤非所恥

新浴

新浴換輕縠披襟臨榭臺好風知人意為我東南來晚
池雨草青庶足充徘徊呼兒具綠樽聊進納涼杯一酌
暑氣消再酌愁懷開三爵竟酩酊浩歌臨蒼苔

苦熱不寐獨起對月

暑氣推不去涼風挽不來中庭月色淨攬衣起徘徊夜
久萬籟寂秋近孤罩哀月墮玉繩低此興真悠哉

秋暑熾甚忍飢偶作書季直弟以詩見嘲因次

韻

老夏雨既少穉秋雲亦無枯池罷桔槔薦花委笑葉不
糝漫藜藿不爨空樵蘓蘓州亦有言家人笑著書

中秋望月偶誦唐歐陽詹翫月詩追和一首

雲淨天既碧境幽月逾光未數鉛鈿潭不羨桂子堂霏
霏香霧橫藹藹明輝揚冥搜興乍酣徙倚夜未央走兔
望圓魄飛鳥喜新涼但知整綸巾何用翻霓裳芳尊聊
自傾玉盤欲誰將美人何時來渺渺天一方

望所居西山瀑布

山居尠懽悰理策事遨嬉歛岑屬初霽眺覽得所宜懸
崖有飛瀑注壑從涼颶濛濛噴霧雨冉冉含煙曦清冷
詎可汰駛激疇能陂會心欣有得徙倚不知疲鴈蕩境
千里香爐天一涯平生未能曠昏旦矧欲窺何如茲山
溜若與幽人期他年營菟裘舍是將安之

月山諸峯

平生固寡好嗜石如竒章家無千金產昇致窮澗岡壽
星來金華衣冠何昂藏屈肘據膝生風雨須眉蒼松石
產花竒溪詭頗異常鼻祖乃赤松素質侔白羊舞袖出
煙霞洞名渾脫類大娘想當虞韶成率獸襍鳳踰航航石
柱峯孤峭仍軒昂長不滿五尺勢欲摩穹蒼獅子來何

許俛首未騰驤何時一噴薄百獸走且僵鷓尾由天成
畧不假斧折端宜侈繪事詎止工厭襍東坡小仇池大
筆流芬芳康公醉道名篇粲煌煌矧我此數峯價重百
琳琅願締金石交出處永不忘
近結茆屋數椽以可賦軒揭取子美可以賦詩
之義用沈約體賦詩一首

安仁偃息處之問讀書室茆軒規昔人聊可容吾膝幽
芳秀垣曲翠篠箭簷隙松牕炯虛明荆籬互踈密淡月
曉窺几侯蟲夕鳴壁詩書後前陳圖史左右秩遐覽到
三五旁搜及堅白一語偶有得寸心欣自適輪奐非所
慕茲為頗放逸淵明儻來過真趣會能識

古風一首謝張漕子溫惠示詩卷

前輩久零落老成驚創見平生恥問津如今真北面
中五色絲織此錦鏞段見之心孔開照眼光爛爛我亦
好吟詠飢說芻豢辛勤三十年功效無一綫偶茲得大
嚼味之不忍噉喜惠詎敢忘仁風敬揚扇

伏日陪府公侍御登四望亭分韻得四字

危亭懸層城是中有佳致面看江山水雲自相媚使君
暇日登大老金正穉杯盤瑩無塵笑語清有味快風
千里來暑氣三舍避賦詩紅蓮幕煎茶白衣吏詆諧想
割肉搥扇笑疼臂程曉伏日詩搥扇臂中疼樂事古云少能并今有
四茲游山同千古知姓字吾輩亦何為雖驚猶附驥

葉自強讀書堂

退之宰陽山暇隙唯讀書同知大雅姿文史以為娛治

劇逾整暇日與竹素俱頰首緇漢晉高聲誦唐虞不善
吾所鑒善者吾所摹腸仍柱腹何翅五千餘似聞書帶
草已復生庭願言飽經濟舒之彌八區

獄空

公庭日將夕吏報空獄岸雖無春草菊已有蛛絲蔓謹
樂見鳥鳥呻吟絕鵝雁諒非片言折聊發一笑粲

同從兄季弟游香山追和東坡端午游諸寺韻

前車唯伯氏後乘載阿連相携青蓮芥共開白社筵黃

梅雨正歇紅榴花正妍淨境聊莞爾妙興真悠然偈言
溢四方經卷餘五千長廓含清風古潭掙蒼天幅巾既
簫散青鞋亦輕便登臨自晨曦談笑窮暮煙衡宇開卷
坐僧房借榻眠却憶蘓州語喧靜兩皆禪
題張漕子溫貴希齋

新營老先生喜好一何異端能友造物直欲騎元氣古
貨今難賣太美元少味陽春誰肯和玄白人爭議知己
如晨星一笑聊自慰先民不云乎有以少為貴

由下梅至資福佑賣官產

曉發下梅寺霽色浮壠麥崎嶇白羊岸詰屈黃牛輓野
芳吐丰茸山羽鳴格磔驅車復前途聊欲徧所陌

龍池寺

發軔資福山弭轡龍池寺杪春新雨足老紅圍穉翠溪
流素縠寒山色青羅膩拄頰坐移晷此意誰能會

觀田家宴集

村落秋氣高涼颼乏林莽田家刈獲閒斗酒勞良苦甕

甌間竹箸殺雞仍具黍昏昏燈火照草草盃盤舉初喧
鵝鴈聲中靜兒女語醉來或由歌散去亦袖舞不信五
侯家軟盤薦肥羜

次韻周敏卿秋興三首

炎暑墮何許涼風忽吹衣野水映荒岸寒叢秀踈籬蕭
蕭林影薄杳杳鴻聲悲秋未亦既穫聊足充吾飢

團團巖中桂移根籬舍間秋風一披拂嫋嫋天香寒對
此徑須飲把酒酬西山浩歌何窮已寧必素興蠻

悠悠草根蟲鳴聲近我牀皎皎林間月亦已照我墻感
此動萬慮聊復舉一觸何以侑我酒清嘯聞踈篁

星源縣齋書事

冬仲弭征轡鄰為及新春飽喫番陽飯細治星源民星
源故自佳民俗良易馴不嫌聾丞愚翻愛假令真相與
不忍欺見謂治無磷牒訟日以簡賦輸以日臻遺我以
暇隙使得窺典墳短檠一牕燈孤諷至夜分平明坐廳
事簾影清無塵閭里頌熙熙孰云民不淳願謂汝父老

辱愛亦已勤為我理歸擢吾久思吾親

題圓通寺至樂亭次待制王公韻

地偏境自佳煙雲孤屋寒聲渺踈松翠影澹修竹林深
桂花曉微風度餘馥特用永歲年聊足媚幽獨
使君慕丘禱用志端不分天高聽甚卑深知使君勤立
致楚東雨如開衡岳雲賴此苗盡活不然厄可楚

鵞湖寺

鵞王牧羣鵞濁世肯下遊積水近天闕有時戲沉浮老

禪天人師領畧傾九州初開透佛場坐斷諸峯頭當時

江東西海納吞衆流歲晚從山麓華堂跨龍樓至今韋

公碑照曜蒼崖幽陳迹記往昔登臨縱真搜重來歲月

疾俯仰五十秋撫事一太息何從問人牛惟餘拱把木

百尺環道周成環各有時午戈今少休空懷三宿戀為

爾半日留鐘聲遠送客霧雨昏林休

七峯亭獨坐

雨霽失炎燠新亭境清淑層波綠
奔注疊嶂青陸續風篁韻絲桐
煙柳開畫軸澹然塵慮銷庶足永
曛旭

公既行民皆相謂曰侍御往矣吾屬何
所倚賴乎此予親聞之於和象坊
百八
侍御王公去饒饒之士民數千萬人遮道攀轅
又相與斷城北橋以留之公不得已乃回城從
間道遁去餘干主簿翁君畫斷橋圖作詩二十
韻寄侍御求和侍御以和篇見示因次韻一首

東嘉老先生文字繼坡谷治饒如京兆三王豈其族政
成無一事澹若處幽獨追蹤古循吏清淨非碌碌每以

坐嘯餘時出陽春曲風流化邦人吟詠成國俗乙酉秋
七月天地正炎燠有詔帥夔門引道不淹宿境內聞公
行倉皇守牙纛攀轅人填咽遮道車擊轂已去復挽回
出入成重複橋斷蜂腰分巷擁魚鱗蠹竟從間道去復
許誰追逐子母若弟昆相顧皆頓感吾父既往矣疇繼
英躅

公既行民皆相謂曰侍御往矣吾屬何
所倚賴乎此予親聞之於和象坊
孟嘗附商

船千古垂簡牘偷席廣文氈使者為標目去思聞九重
公乘教授小轎從間道去提點何公詩云朱轎偷席盛
廣文氈公行之後饒民有錄此詩以狀聞於朝者

事傳西蜀先生美無度推誠置人腹畫圖照人間斯民

記息育

英

出八

於含

以公

坐

坐

欽定四庫全書

香山集卷二

宋 喻良能 撰

五言古詩

石鐘山

南北兩石鐘上下一水側造物妙鎔冶蜚廉巧撞擊鏗
鞞仍嘈呖歌鐘與無射山豐吾為知蒲牢爾何力咨余
久願遊偶此事行役時秋風颼颼日暮水激激初如鈞
天鳴乍若金奏寂入耳粹而清洗心欣以擇怪竒有如

此遊覽誰能訓測發端示來今注經人姓鄜

題淵明醉石

平生憶淵明偶此訪遺跡柴桑僅未泯粟里猶可識寒
留澹冷冷孤煙輕晷晷撫事良多感西風生醉石

媿陶

淵明在彭澤到任八十日雖營三經資未獲公田秫珍
重千金腰不為督郵折拂衣賦歸來何異自投劾我生
本樗散山林久蟠蟄雖非淵明儔頗亦慕幽迹偶然得

一第遂竊升斗秩未書藍田考已捧錦溪檄荒踪饒逋
負催科費鞭扶彊顏簿領間忽復彌數月心為愧淵明
俛首三歎息番江何時還哦松聊月適

送呂憲帥維揚

讀我送實錄元豐治明昌五年九月中上特聞天章從
容謂輔臣邊民疲可傷呂獨為朕言他人終未嘗已乃
命正獻由定帥維揚學士加大稱庸以示寵光移鎮未
去久趣歸總臺綱爾來九十年准其踵遺芳我公嫡孫

行祖烈蔚載陽持節古閩粵攝事今福唐仁風襍和氣
盜盜如春陽叱誑玉律響園扉春草長英聲飛九重御
屏書益詳廣陵大都會經理須才良擁麾往鎮之非公
諒誰當延閣陞寶書恩綸湛洋洋在左符分淮海西顧
寬巖廓想見入境初快觀爭星鳳折衝向樽俎宣威振
金湯行看鋒車召衮衣侍虞皇賤子一何幸竊庇逾兩
霜誤蒙剡薦牘名徹凝旒傍受恩未知報恩膽徒激昂
唯祈轉洪鈞復立弟子行

偶題

少陵五十六負暄侯樵收我今年與齊而亦處幽獨小
亭數椽淨新月半鈎曲聊將萬斛愁付與一盃綠

十月五日從兄四弟三姪侍太孺人賞菊亦好
園以賞心樂事為韻分得賞字

霜天豁澄明水日共清朗西園足甘菊歡言事幽賞板
輿奉慈顏華髮森少長一笑喜團欒千枝俛仰黃英浥
露繁翠蔓緣籬上雄蜂與蝶採擷紛還往返興既中

金定四庫全書
卷二
酣佳致仍外獎未多彭澤賢不羨天隨廣憶昔吏江東
王事困鞅掌及今處閭里暇日娛塏爽殺酒雖不豐獻
酬非或強分韻先阿連作詩真技癢

閔中堂

危簷覆虛明景趣清且長曲池散漣漪珍木含葱蒼離
離荔子丹冉冉茉莉香有堂既足佳無瓊庸何傷

次韻提舉王正言寒食游茶焙

摘山勝煮海財貨所源流建焙甲天下賦入十倍收國

計頗賴之貢輸何時休擇人為提領得賢從宛丘文章
脫吏腕風味登瀛洲佐職亦已久再見春草抽郊原富
搶旂歲事日以修撫民端若子疾惡信如讐驅車向鳳
山父父觀道周青春行畫圖佳處時一留風前耳潺湲
雨後目纖柔酒酣已勝賞珠唾揮釣鈎谷子素么麼受
恩猶未酬銘心雖甚堅撫已徒懷羞平生困坎壈暮年
何依劉投公一紙書遠寄粵王州書傳得妙帖想像暮
食游終防好事人豪奪或巧偷

題紅雲島

紅雲覆絕島望之心神開弱水不負舟何由至蓬萊吾

欲煩巨鼇為載三山來不然騎鯨去一醉流霞杯

予去歲五月由泚入閩見夾道長松黛色參天

行者均被其蔭間有為斧斤所戕者缺而不補

十步一歎顧恨方為校官非所職掌不得以封

殖培壅之事告之部使者懷不滿之意彌年于

茲矣比竊聞提刑承宣命尉曹若僧徒封殖其

有而補其所亡期使道路之人行千里若宇下

而無病暍苦熱之歎其為全閩無窮之會厚矣

予自少喜讀柳子厚詩見其稱商山臨路有孤

松往來每斫以為明好事者憐之編竹成援遂

其生植感而賦詩中有幸逢仁惠意重此藩籬

護之句每愛而誦習之今輒追次其韻以紀一

時之盛亦古今甘棠之意也雖言詞不工蓋欲

自附於國風之末庶幾他日採詩之官或有取

為拙非因風之末無幾出日林松之宮迤首

鬱鬱千丈松誰栽蔭修路年祀寢綿邈斧斤時謬誤皇
華重憐惻霜根辱調護他日比甘棠風流繼行露

夜宿天章寺

蘭亭負崇岡修竹翳寒綠囂煩隔久境爽氣森佛屋薄
暮行役罷言就上方宿是時秋崢嶸西風響巖谷越蘭
不可見浩歌想餘馥右軍恨何許襖序空三復夜久百
蟲絕燈花媚幽獨蕭然四壁靜一洗塵萬斛何當脫羈

鞅陰巖事卜築聊復得此遊澹然心賞足

華峯亭

華峯抱紫翠茲亭瞰清幽春林羅畫屏新月吐玉鈎宛
如東屯居恍若南澗游信美吾亦樂用慰淹留

己亥中秋

二七月皎皎三五雲沉沉終然露半壁亦復牽孤吟夜
久羣動息唯有寒蛩音長年重節序感慨非獨今
勿言魯酒薄為詩端叔作也端叔同寮于越未

終更求奉中都祠歸丞相侍傍作是詩以送之
同寮雖云多交友未易結臭味一小異肝膽便楚越君
侯宰相子風度何翩翩四借計吏貢春銓復衰然一見
蓋為傾相逢豈在早白髮與紅顏論交非草草君才若
杞梓真能世其家願我如駑駘祇堪服鹽車心情過中
年何翅數日惡徑須醕一樽勿言魯酒薄
正月大雪追和退之辛卯年雪韻

太皞亦已至元冥猶未歸茫茫天壤間浪濶銀山圍玉

龍橫梅度皓鶴漫空飛白帝有所適飄飄揚旌旂從者
一何繁縞席仍練衣招邀姑射仙逢迎廣寒妃祥耶時
令耶疇能測天機飢人凍欲死賞玩理則非安得萬裘
褐寒者或庶幾願言均此惠不知身賤微

次韻奉酬刑部王嘉叟侍郎書戲綵集後

制作參易經不用草玄準眼空天壤間誰得並提敏鴻
文翻水就未省苦吟吻齊梁逮陳隋象作付一哂南國
容本冶西子髮更鬢混然真天成寧復分域畛飛上青

雲端秋空擊鷹隼惟持荷橐已復班玉笋雖未究所長
要亦擄素蘊大手秉綸綍至音發簾篋嗟予墮詩窮政
坐無鉛粉數竒祇自憐多忤誰汲引有賦難逐貧無詩
不招隱明公獨深憐不嫌邊幅窘謂雖敝帚如或可充
貢筮恃此以無恐枚臯窮久忍儻復念管蒯庶免辱荆
程

次韻宗即中師仁見示古風

平生癖于詩業債餘清淨但已心孔開敢誇筆鋒勁疾

書或欹斜所向必雅正顧慚非晉人出語那韻勝亦好

三畝園松竹互掩映門闌雖間啓俗客未省迎豈惟慙

幽情頗復動詩興竭來古泮宮未暗麋鹿性何處更有

詩杭走足不定宗英出大篇重此綠綺贈未應費推敲

詎止工競病此作不為妙妙處知難更吟壇將風雅瑣

尾宜退聽賀白真雁行離騷可奴命熟復句中眼如對

麈尾柄迷途獲指南從此識畦徑自應形贊歎誰復獻

嘲評佳處未易如常有識者證

送高炳如倅天台

高侯吾所畏學問覩壺奧
 秋水瑩精神春華麗詞藻
 三館竭來游兩鬢青未皓
 何心翫歲月刻意探討二志既
 宗成八書可偕攷烏臺埒
 風采綸闈須典誥引疾遽有
 祈勇退一何早丹丘非大名
 泥軌僅小好會看有詔追
 豈必俟身到行矣即輕安
 愜悌神所勞

張持荷示詩編次韻一篇為謝

先唐詩道昌萬象繞吟筆
 長吉窮嶮恠奚囊銷永日一

洗齊梁陋古澹見摩詰詰齋妙入神
 二者無一失遊戲唾成珠所至動盈帙
 長篇襍短詠朱絃響玉律脫身聲利場
 宴坐心更逸高眠聽松聲清話剝芟實
 聲名笑山任王達景稽畢時發孤鳳鳴
 不作寒蛩啣人譏雕肺肝悠然非所恤
 編成未客佳積藏謹勿出

王丞相生辰

皇宋十一葉時清風俗淳實維元首
 明亦繫股肱純煌煌冀國公自昔抱
 經綸初掌黃麻誥黼黻同卿雲繼處

宥密地五兵驅精神一品坐王靡十載轉洪鈞雍容陪
都俞黽勉承華勛鏡淨滄海波煙銷紫塞塵伊傳堪並
驅蕭曹真下陳柔兆歲若午協洽寅在辰入夢一玉燕
持鑪兩天人二十四書考八千歲為春西湖為酒醴南
屏為膳珍萬口均一詞共祝柱石臣一祝錫難老再祝
長同寅百祝配遼鶴千祝如大椿國壽箕翼齊洎公永
無垠貴名與鴻烈日新日日新

次韻奉酬趙景明法曹見贈

宗英賀白倚肯從野人遊相見各夫喜胡為俱皇州孤
燈照清談新詩澹牢愁明日却分袂獨往濤江頭

齊宿昭慶院祀南嶽南海

秉檄奉中祀驅車出重曉風鐵葉嶺煙雨南屏山瀾茗
澡塵慮褰簾飮孱顏意孚海嶽清聲控珮環

留別直院莫子齋少卿

鬱鬱千文松植根在崇岡清陰亘十畝直幹凌窮窟好
風一披拂聲顏諧官商古來成大厦物此宜棟梁不待

歲月久共看柱明堂微木有石楠枯崖飽風霜三百甲
子餘圍纔拱把强大楹分難充一桷庶可當儻容附松
末雖晚庸何傷

留別王嘉叟檢正

初寮久已往今誰主文明王公有嫡孫見者服且驚
曾中九雲夢筆端云折肱招致道山中掉頭不肯應論事
常山蛇持身玉壺冰平生謝先容要津真自登四海望
霖雨一人役股肱我本田家子蹉跎將暮齡相逢豈在
早一見蓋已傾謂我雖秃犀敝帚亦足稱持獻先籟筍
長篇有明徵公乎儻踐言庶為老親榮

送叅議林郎中

入塾不識面相知貴知心唯我與夫子傾蓋成斷金疇
昔居京邑佗職偶相臨肯盱鍾期聰俯聽牙弦琴講說
三百篇一一蒙賞音竭去鐘山旁林沐同搜吟聯鑣照
湖側携手天衣岑飛鳴互嚶嚶和樂長惜惜無詩不屬
和有酒相與斟餉我破羌帖佳妙同來禽復遺先聖像

摹寫自孔林二年如巨葦一旦辰與參襟期自茲遠詩
盟幾時尋願言蚤盍簪無為徒滯淫

三百歲游鹿田三洞

東西兩鹿田上下三洞天苔徑力容足石門低及肩乳
竇斷還滴天窓皓仍玄何當出樊籠悠哉聊永年

次韻鞏憲見示相栢暴布之作

昔聞孫興公嘗賦飛流水至今福庭地猶屬羽人里瀑
泉天半來界道清見泚迢迢白虹貫隱隱玉龍起宇宙

維云寬壯觀知能幾谷簾信有之界圖寧辨此清秋饒
爽氣朱夏絕埃滓何當振金策逍遙山之趾眺攬既愜
適嘯歌何窮已青鞋未成往撫已空自鄙

月橋詩

天迥月逾晶地偏人亦靜蕭然尋文橋寄此綠淨境洗
盞薦寒光掬泉弄清影塵遠耳目醒令人發省深

雲黃峯約季野九日登雲黃不泉季野有詩因次韻

青山如侯蟲可賞不可戀胡為謝康樂遊覽乃欲徧從

登最高頂過眼猶掣電何如菊花天周遠籬落畔對面
雲黃峯末妨籬下見相攜凌紫霞更約東風便

送晏伯安

古調於今發蓋亦一壯縣劇繁號難理百今無一健英
英晏伯安年壯政則練吐嗟掃宿弊談笑了宿案公庭
坐無事自可名道院老眼空白海於公驚創見今公賦
歸歟敢以一語餞邊陲正驛騷朝野未聞燕公才浩縱
橫敵可受八面要須詣明安上書還自薦口伐或箸籌

收功在不戰不然飛芻粟坐使軍儲羨

次韻伯壽兄殘春即事

屏居事幽潛親故成久別茅簷翳濃綠醪墮香雪山
氣清涼國溪聲廣長舌但須賢人酒安用長者輟吟腸
繞碧雲醉臉暈紅纈奴耕穀可僎兒書筆難掣地偏塵
不到心境兩清絕嘯歌何窮已未覺處身拙

為何監獄題種德堂

作堂備登覽既作扁其顏固云易踐名良獨難我友何

水曹築堂水雲間
瞰臨擅竒絕竒氣何鬱盤
橫以數畝池繚以四面
山石楠間女貞青士依
蒼官紛紛襟花卉栽植
日以繁豈獨秀春融未
應凋歲寒凭欄試游目
皎皎萬慮寬張公江海
客一見顏為歡嘉名揭
種德寓意固有存期君
宴游日內照時返觀善
性益培壅蕪累須一刪
木老德亦歎無忘老坡
言

何茂宏茂恭携酒見過復侑以詩次韻一首

薄雲漏朝曦積雨霽中夏
白波涵磬湖清影漾苑
舍輪

蹄絕還往文史富閒暇
畏友有穢雲英標凜王
謝喜尋范張約借命嵇
呂駕豈徒貴密邇柳亦
重婚媿戲綵滕綵容亦
好草可藉瓦怨薦谿毛
竹箸羞雞炙劇談掌屢
抵糲食烟亦下晚涼過
古殺明月耀修架蒲團
語上方篝火耿良夜凌
晨一瘦藤支徑雙不借
長嘯陟雲嶺清吟探石
罅嶽岑近明目湍激深
沒胯別袂余力搵歸鞍
子傭跨何時許重臨倒
徒肅邀迓

謝葉致政送芍藥

佳肥如美人豔態妖且閒葉園美無度有花字雌丹晨
 粧謝膏沐秀色若可餐芳根裏春泥舉贈不作雞鞞鞞
 照池亭一洗儒生酸從今杜陵眼不復嗟長寒何以報
 佳惠作詩當琅玕

秋曉野步

案此詩據南宋名賢小集增入

幽居適郊原出戶目已瞭閒携一扶竹散步及秋曉寒
 烟引輕雲澹澹縈木抄矯首矚層穹轉盼失飛鳥野潦
 淨荒陂驚颺泛枯篠世態徒營營此心殊了了佳處誰

與論聊用付清醪

與德勝氏於齋

欽定四庫全書

香山集卷三

宋

喻良能撰

飛香七言古詩

次韻伯壽兄海棠

無情長笑杜陵老不識海棠春意好東坡作意賞東風
 為愛輕綃映肉紅枝頭點綴知多少貪睡今年開不早
 含情欲開還未開紫蝶黃蜂不懶回可憐歎視明人目
 長恨年年看不足曉來風定雨霏霏減却春光一片飛

多愁更被花相惱寧惜春形同藉草
 東昏當日寵容華潘妃步步生蓮花
 閱武堂前種楊柳玉兒雪腕親沽酒
 蓮花不見揚柳空蒼煙白露襟悲風
 張麗華
 張家女兒號麗華十歲選入君王家
 君王一見念玉雪喚作後庭瓊樹花
 臨風結綺香風度自謂朝朝兼暮暮
 那知夢斷金井欄往事茫茫墮煙霧

廣信試院追和東坡催試官考校韻

深院鎖涼秋西風坐間好凡事窓明塵不飛
 似躡紅雲至三島數枝淡淡挂新香
 千帶垂垂柳初老此邦天下秀多士
 鄒魯無負薪或解談王道被褐無非懷
 璧夫五兵奪目庫觀武大嚼快意門過屠
 誰言拔才古難必披沙求金要須得回思
 裹飯然脂燭一心敢擬思鴻鵠吉老手及
 凶人為母報仇詩以紀之
 卧水叱馭全忠孝王氏多賢古今多公乎
 孝行驚創見

落落豈特漢晉風
凶人夜半發丘隴
敢爾殘暴不畏公
古來凡讎不共天
痛貫肝膂何時窮
剗心設祭久自許
何況臨機敢不武
拔刀斷賊血摸狗
袍笏雍容詣官府
忍恥貪生真可羞
退之諄諄言復讎
請衣一擊當報怨
豫子猶能致嘉傳
如今壯志今已伸
他日定為忠義臣
行看氣節動天子
詔書一洗泉下恥

木狀元惠示近詩一卷作詩為謝

洪都通守詞華溢
漢殿文章元第一
萬卷落落蟠胸中

三江袞袞懸吟筆
贈我玉佩瑛玦環
未數大鵬兼小山
欲知風味不能盡
此卷長留天地間

向伯章通判請賦畫扇

晴天萬頃浮煙水
小艇鳴榔煙水裏
一聲欵乃西風起
滿輪明月蓼花秋
富貴於我真浮漚
世間何事不悠悠
為周提宮題尚友堂
先生高節作流俗
未應名宦能羈束
歸來卜策傍泉石
灑落軒楹照山谷
外羅君子六千人
中有插架三萬軸

我嘗一日坐其間至今清興猶堪掬

六十一題晚節香亭

周侯人中英為文若翻水苦節凌雪霜香名馥蘭芷考

槃在幽谷篁竹富清美竹邊兩挂樹碧葉光寢寢扁堂

曰節香欲以規業履日挂日以茂業履日以修一觴一

詠知未稱願續離騷賦遠遊

離騷經曰依聖前以節中又曰稊中椒與菌桂遠遊

曰舒并節以馳騫又曰麗桂樹之冬榮

三十一了頭巖

自有宇宙有此山萬八千歲須臾間亭亭造天屹石壁

雨淋日爍逾堅頑且無泉瀑美裙悅肯以草木媚容顏

了頭得名良未稱那有巨手梳髻鬟會當呼作陸砥柱

長與羲娥閱往還

待御宴僚属于番江樓以卧病不克與分韻得

四字

使居自是廊廟器五馬一麾聊爾耳今年清淨獄既空

去歲豐登米不貴郡中九賢政可十京兆王三何足四

乘閒領客宴江閣對景題詩忘肉味坐間僚屬總文采
筆下波瀾更源委夏木陰陰啼鳥喧烟波渺渺輕帆駛
錯落觥籌畧達尊從容笑語窮幽意嗟予薄命挾翻美
卧病空齋吟擁鼻畫戟凝香不同賦白衣送酒猶雷醉
追攀逸韻苦無才想像清懽欲生翅蘭亭被罰定非佳
金谷望塵吁可媿他年江左仰遺風應有畫圖傳盛事

題楞伽寺李公山房藏書閣

小閣崢嶸在空谷云是先生讀書屋不見善和數千卷

空聞鄴侯三萬軸先生一去幾經年山色依然為誰綠
只今賴有衛夫人壁上蕭蕭數竿竹

春晚遣興

乳鴨池塘春水滿秋千院落東風暖簾間燕子語雖忙
葉底黃鸝啼更緩長大何如年少時雕鞍駿馬踏芳菲
閉門不覺庭花落顛倒殘紅作地衣

次韻王侍郎寄題亦好園

磬湖鷗鷺自相親湖邊山園步步新魚鳥細看是足樂

金定四庫全書
卷三
芋粟可收猶未貧我覺有園貧亦好人笑此園何大小
他年便擬當菟裘不羨萼鱸歸計早

子猷借宅亦種竹淵明荒徑猶存菊九日黃英凜碎金
三冬翠幹森寒玉亦好終園一畝寬恨無九畹養芳蘭
聊種寒花一百本要伴此君秋後看

僕玉鈞磯季野弟寄詩來因次韻

湖岸柳根半欹側柳邊仍有陂陀石不因斧鑿成漁磯

燕坐未妨鈎餌垂磬湖寧待他山錯白波分影涵翠幄
翠幄陰中千結滕對面好山羅畫屏遙岑無雲明入眼
遣我爛如巖下電平生不憂臭於銅俗氣安能蔽重重
興來散策飢來食起居無時惟其適詩窮吾師杜少陵
一杯未用身後名他年掛冠不待老歸來從君乞身早
新居成茂恭以詩見賀次韻奉酬

子美堂工始上元折手乃在應寶年願我無能為杜役
有此屋廬差不難欲移修竹梅花亞暮靄朝烟迷上下

室遠地偏來者誰時有相思猶老駕平生願足不願餘
 左用虛名更著書雖無拄腹五千卷且有山陽宅一區
 海內長句君最好辱致新篇為善禱鷄豚社酒幸不遠
 來往他年成二老
 蚊
 慢膚秋來困撲綠手不勝拍身聽旃昨夜獐颺愜人意
 一掃天宇何澄鮮蚊子蚊孫與蚋伯飛鳴適意須明年

題葉省幹見示詩卷次韻一篇

微官詎足施才具每向閒中有佳句要同泰系下長城
 却笑屈原無聖處穿天出月摘清芬煎膠續絃唯有君
 命題探韻儕輩分昂野鶴在雞羣綠髮才名今白首未
 數憑虛與烏有會當載酒學鳶戩共試吟邊三昧手
 有間傍蒼苔數落花
 之句為汪彥章所稱

謝君植矮梅百計珠蟠屈如輪臘至皆著花灑

灑可愛

孤竹低回首陽下許由偃蹇箕山顛謝君雅有林泉趣

種得江梅如二賢南州臘月溫和早賴有冰花除熱惱
鱗差百樹夾徑明似過山陰雪中道

試院一首

南國諸侯老賓客霜葉青衫頭雪白繡衣使者急搜賢
入向文場三捧檄全閩多士如鄧林大廈度材慚匠石
細看太白日萬言時取武成二三策清心期識璞三獻
過眼敢迷日五色只今雖無衣鉢傳向來未省原天覓
更長寧辭燭屢秉漏下何啻夜十刻回思前日踏槐花

忍使青袍輕飲墨

余同年田試院積俸結買馬而歸中路幾逸戲

作長句贈之

知君幾作東野畢瘦馬田間風欲逸圉人白汗以翻珠
暫爾奔騰未為失歸家須辦紫游韁玉轡紅纓控鬧裝
一鞭嘶風映垂楊要試寧川春草長

蘇軾直安撫開府史丞相誕辰

一年好處橘初綠雨後秋容淨如沐潭潭大府忠孝家

黃堂正奏秋千曲揮毫落紙妙卿雲千佛經中早致身
橫飛直上九萬里金魚玉帶真天人籌邊利國知誰似
直節長才堪重寄手扶杲日照乾坤力轉洪鈞陶品彙
霽變戟纛粲煌煌極聯休袞繡光暫向闈都分帥閫再
歸天闕致時康鯁生才業守鞬線首辱甄收今論薦
喜看太白應長庚樂頌燕公符玉燕舊聞莊叟說大椿
八千為秋八千春願將眉壽同長久永作皇家柱石臣
參議李郎中惠示古律詩兩巨軸次韻首篇奉

酬

鄴中七雄迹既掃謝樓夢斷池頭草仙李詩人麻竹多
佳句唯傳杜陵老省句法即專後來黠盡今世詩流才
并刀翦水有佳致中月聚雪無纖埃穿天出月餘四紀

來詩有宣和中作故云

捉月風流今不死從教人售一杯水自信

筆挾風霜字次山風味渙仍回老文猶未磨蒼崖收拾
明珠餘百斛寒光入夜闔復開我得公詩興嘆慨千古
長留詩卷在祇恐天下取將入閭古貨今難賣

前年磬湖新雨歇獨繞湖邊待明月夜深雲散月華來
疑是山陰踏晴雪去年鎖宿校羣英水娥於人亦有情
仰看一鏡綠雲上俛聽春蠶食葉聲今年廣文在官舍
亦復開樽臨月榭慈顏一笑綵衣輕誰云官冷孤清夜
酒闌月色更徘徊捲簾開戶真佳哉懸知明年應更妙
扁舟正泊雙溪隈

予由中都還至暨陽道中聞禽鳴云明朝早起
揀田作詩識之

溝塍雨新足穉秧正綠林間鳥聲喧明朝起揀田明
朝揀田起須早謝汝殷勤畦稻禽聲禽聲亦不惡大
勝人歌金縷曲

送劉孟治司令之官四明

先生孝行人莫攀平生急祿怡親顏三千曲禮髮已白
七十老來衣尚斑秋容新沐江天浦與低昂却花間
誰為喚吳道子一寫畫圖連越山

若耶曲

若耶溪上涼如許五月清風不知暑半空濃翠接蒼烟
滿眼輕陰覺踈雨汝潭邊深復深繞門山畔石成林紅
粧蕩槳誰家女笑人荷花無處尋

點檢朝陵內人頓遞至西興道中紀事

平湖漱灩控春風扁舟輕駛如飛鴻垂楊萬縷長青茸
倚岸崇桃醉臉紅滿空烟雨霏濛濛柯橋精廬聞午鐘
平疇麥苗青芄芄宗峯秀岑紛玲瓏圖經未看名叵窮
雨葩烟葉交朦朧吾圖之誰其工妙語却思六一翁解

道山色有無中薄暮艤舟依竹叢夜深點滴聽孤蓬天
明利涉浮梁雄錢清雖小炊烟重生之辰今適逢一杯
杯不暇緣忽忽聊以新詩娛老悃龕山西北水落落白
鶴橋邊小梵宮海天茫茫空復空放眸一望日本東
蕭山小邑河陽同桃李漫山如錦幪谿旁驛亭名夢筆
故居知是江文通西興浦口天連水滿眼長安紫翠濃

四月二十八日坐直廬讀山谷效東坡作薄薄

酒二章慨然有感追賦一首

薄薄酒勝獨醒醜醜婦勝鰥莞笙歌易沸不須羨松風
滿耳自足聽前遮後擁未必樂邀月對影堪娛情晚食
有味可當肉衡宇無灾勝列屋魯東門外聽鍾鼓齊宣
堂下狀殼殼何如巢林一枝飲河滿腹水磴多至三十
具胡椒滿貯八百斛何如濁酒一杯彈琴一曲子平為
富不如貧子方稱賤能驕人高明之家鬼可瞰網射納
稅官不嗔中山醇醪醉千日文居遠山致消渴不如茹
柴百錢可一斗荆釵白頭長相守

夫七

次韻王待制讀東坡詩兼述韓歐之美一首

文章端與時高下列國有風周有雅建安氣質混不傷
齊梁紛紛堪斗量先唐詩人子韓子落筆洗空千古士
篇章杼軸自己出正派猶能傳六一作詩餘事真詩仙
騎麟被髮何翩然韻寬泛押入傍近窄韻宜搜期押盡
鈎章棘句未多如古風新題寧數積五季詩流喜穿鑿
蟬噪蛙鳴嗟象作皇朝天人歐與蘓皇鳳初見人驚呼
醉翁句法到勝處紆餘條暢今古無鋪張揚厲詞藻挾

雅稱金泥兼玉檢一篇妙絕廬山高幾首清新寫鬱陶
 造化機緘富狀彙豈獨文星南斗避如何妄評味短長
 自古羣兒喜嘲議雪羈窮如牧之得非天欲昌其詩平
 平古律三千首無媿清風白雪詞才如太白更無敵文
 似子長兼愛竒江西宗派不足進自鄒以下曾無譏流
 傳海內皆珠玉到處逢人俱願學不須酬唱說西崑宋
 有歐蕪唐有韓二人謂文公貌乎其杖几一編且誦蕪
 夫子

古風一首奉送淳叟太博通守豫章

劉侯精神秋隼緊高論懸河傾不盡至尊動色嗟謬謬
 權倖切齒畏謇謇致君未覺賈誼踈濟時尚嫌馬周窘
 三年博士向見治萬卷蟠胸一何敏欬然大起故鄉思
 自請題與佐襖隼笑指江城欲載馳輕棄班列誰能挽
 羨君去騎日駸駸頽我行朝猶蠢蠢語離寧憚十觴連
 惜別不知雙淚墮贈言見意乏珠玉作詩餞行少鉉粉
 從今數日侍君歸握手修門未為晚

都丞李侍郎叔永和予小園二十六詩因成古
風一首奉謝

黃昏兀坐對踈竹
飲有寒光臨蔀屋
焚香發軸得新詩
炯炯驪珠二十六
三斷妙音久已斷
輞川麗藻今能續
抵瓜何必枉瓊華
抵鵲奚須費明玉
韓豪蘓仙吁可畏
白俗元輕何足錄
從此磬湖三畝園
絕勝李愿一盤谷
都丞侍郎再和屋字詩次韻奉酬

小園五畝依篁竹
中有茆茨數椽屋
小橋度水既窈窕
側徑穿花仍曲六
慣看翠碧羽差池
時聽黃鸝聲斷續
詩成持鼓過雷門
誰信拋磚能引玉
長篇麗句為藩飾
小草么花蒙著錄
懸知家世以詩鳴
駉倒平泉與昌谷
李侍郎三和屋字詩次韻為謝

衛武文章比淇竹
閉閣著書欣仰屋
曾蟠載籍餘萬卷
為家五百九十六
詞華爾雅騷可奴
議論淵源經可續
筆端凜凜挾風霜
齒頰冷冷漱冰玉
久知廣大端可法
自顧么微何足錄
願同湛輩附羊公
庶比江西瓜山谷

何司業和屋宇詩見詔次韻奉酬

亦好園林富竹愛松山堂工書連屋恨無妙語為題品
空對奇峯有十六先生佳句落泉石杜詩韓筆端能續
有如妙響發朱絃恰似清音動寒玉須知小圃辱提撕
何異寒門被收錄從今草木有光輝盎盎春溫入鄒谷

寄湖口劉少魏主簿求皂湖口

平生愛石似奇章老矣一拳猶未致夜來夢繞太湖側
萬玉嶙峋清有味夢有身復落紅塵聞道皂湖山可人

幸致一拳為我壽為君作詩傳不朽

伯琬明府年兄和予致字韻詩舉英石見遺謹

次來韻以報盛貺

久聞英石空流涎意欲得之無力致士衡東頭富玲瓏
染指獨許嘗鼎味明憲淨几拂珠塵尤物定自能移人
報惠慚無百金壽贈公相好無時朽

公家一拳如終南須信是中有佳致對之忘飢亦忘愁
豈待聲色兼臭味嗜好蕭然迥出塵同年要是我輩人

世間何物如石壽墨妙與之俱不朽

周希稷見示詩卷作詩為謝

周郎列宿胸中羅筆端有口如懸河贈我明珠六十八
一一照乘圓無頗我學穀梁失也短君才士衡患其多
中與功業要紀述浯溪石崖當往磨

次韻楊廷秀浯花園歌

詩翁銜袖出清詩醉墨淋漓驚乍寫明珠炯炯照戶傭
恍疑驪龍睡遺者彌月高唱詩云云此翁一掃如飛蚊

詩狂克念酒作聖樽前笑殺劉師命李白張旭稱世賢
姓名優入少陵編平生我亦忝詞客自得此詩輕尺璧
他年別去長相憶

欽定四庫全書

香山集卷四

七言古詩

王樞使生辰

宋 喻良能 撰

金華千古赤松宅 中有初平叱羊石
 雙溪衮衮瀉蒼波 三洞潭潭接天碧
 鐘英孕翠晶星精 文章蚤歲瑞王廷
 橫飛直上九萬里 紅顏兩鬢何青青
 金盞疇昔揮毫處 嘗草尺書招贊普
 職親孰聽玉宸鐘 直分更秉金蓮炬
 只今右府

冠樞衡生運精神驅五兵一烽莫覩狼烟燧四海不聞金
章鼓蒼生顛顛待霖雨黃屋便蕃頌異教姓名久已覆金
甌東街行築沙堤路江左夷吾望更尊二十四考何足論
已見威稜動蠻貊會者勲業照乾坤六十門生焚蕙炷再
拜祝公如衛武柱石皇家不計年長容曠質入陶甄

題旌忠廟次王龜齡韻

睢陽截然當賊中嬰城既久糧食空矢死不降有二公
青史皎皎書其忠國家涵養自建隆上至鸛鷺下羆熊

一節一義皆獲通無不昭然簡宸衷建炎多難誰奮躬
開門納降何匆匆連官尚爾况困窮嗟嗟唐侯一何雄
抽執擊敵甘命終願以頸血汚刃紅精誠貫日亘雲穹
上徹九重達堯聰詔令血食居鎮東激昂臣子忠勇風
嘉名千古齊華崧王仙作詩美抗戎豈比爾雅話魚蟲
次韻王龜齡侍御不欺室

與玄雖非童九齡向來亦既許攀鱗從容揜屨飽言論
我知公直社稷臣此心炯炯貫白日何止不欺尋丈室

霜臺白簡稟乘駟史館誅姦森直筆紫巖先生子張子
百世一人嗟已死室中八十四驪珠千載流芳同信史

親國張公作不欺
室銘凡八十四字

飲餞王共父分韻得轉字

子猷風味寂諸王墨妙文工眼如電慣吟疎雨滴梧桐
解道澄江淨如練去年落筆中書堂姓名高徹蓬萊殿
至尊動色催除日俾向蘭臺參俊彥要成遠業待時須
故遣讀書破萬卷夫何歸思動岷峨自請題輿近鄉縣

學省諸公悵別離擊鮮載酒開芳燕欲澆胷次數日惡
刺作林亭百壺餞落花送酒舞繽紛亂絮催詩飛眩轉
臨歧那用賦消魂但要修門重會面

題愍孝廟次王龜齡韻

曹娥卓行傳豐碑越人往往貴女兒建炎蔡氏有孝子
事比孝女尤瓌竒自從結髮讀書史個儻不受勒與羈
廼翁註誤落囹圄疚心疾首泣以悲胡能安坐視父繫
朝暮哀訴當旌麾府公儻詳贖父罪名隸卒伍所不辭

不然奮身事征討，赴赴勇力猶可施。黃堂沈深身則微，
雖有誠懇無人知。歸來靜默心語口，此事感悟當以屍。
臨河勇決不復顧，純孝寧不由天資。緹繫上書解刑網，
言雖迫切身無虧。文本理寬由一賦，孰與捐命如含飴。
殺身成仁古所罕，殆類餓踣齊與夷。事聞黃屋亦動色，
亟詔立祠河水湄。嗟嗟元應固不朽，萬口至今皆一詞。
東嘉夫子好事者，作歌登載仍吁嘻。異時國史編宋雅，
人間重見白華詩。

二月二十四日楊廷秀郎中諸友約遊西湖，余
以小疾不至，分韻得子字。

都城西頭二月尾，湖水平堤縠紋起。南北山光罨畫中，
淺深草色裙腰裏。羣仙領客泛餘鯉，黃帽劈波驚鯽鯉。
中流劇談聞兩岸，闔坐題詩動盈紙。如渥白足醉朋從，
餘瀝猶能露走史。當年曲水迹已陳，此日羨波歎莫擬。
蹇予小疾獨不至，詩伯索詩殊未已。筆已老矣何能為，
但誦西湖比西子。

王丞相生辰

金華千仞摩穹蒼雙溪迢迢碧流長清淑之氣從風翔
霜縑霧縠不足當真賢挺生金玉相上擷屈豔薰班香
疇昔視草居明光鴻文大冊壓常楊既陞紫樞兵氣揚
運籌決勝如子房鴻鈞一氣轉混茫相吉崇璟何足方
直與夔龍為鴈行煙火萬里俱耕桑冠帶百蠻走梯航
玉皇案前勤贊襄坐令我宋如虞唐中書事業殊未央
二十四考唾汾陽北堂西母壽而康榮封大國富井疆

錦衣命服粲煌煌麻姑一半鬢未霜亭亭玉樹階蘭芳
徽猷凝操書道昌向來王謝今抵王十倍江左浩莫量
四海同詞祝壽觴願公壽比赤松強永作一柱扶明堂

次韻王龜齡狀元西湖賞梅

乘閒逸勝真悠哉正見千樹冰花開天寒日暮湖面淨
疎影著水清無埃杏桃畏寒不敢吐春榜占作百花魁
廣平無人何遜死脾睨欲賦嗟無才東嘉夫子一何妙
筆端游戲成瓊瑰繁英麗句闋清好不用白鷺雙飛來

要令奚囊出佳什故遣漁唱傳清杯西湖處士骨雖槁
 一喚暗香風味回
 次韻逢使君寺丞見贈
 冰花零亂飛庭戶夜色晶瑩似三五詩仙曉贈白雪篇
 便覺清風追吉甫區區五斗不知疲故園應有北山移
 凍冷不暇搜佳句千里歸心到鄉樹

贈神童林公滋公澤女神童幼玉

一英二孺同一家衮衮誦書綫五車語音姪姪春庶燕

稚齒清便蘭砌芽聯茵並載驚都市萬里青雲從此始

兩駒應佩金削刀雙鬟會作女博士魏志既后傳后幼喜書數用諸兄筆

現兄為后言汝當習女工用書為學當作女博士耶

二月二十一日何司業集客于張園玉牒給事

命予賦詩紫微舍人左史舍人亦以見委因成

七言十韻一首

寒食初過天氣佳帝城名園綠葺鴉白綿紅雨互飄泊
 鶯啼燕哢紛交加司成領客當暇日不惜醉臉生紅霞

坐中賓客皆賢豪一一圭璧無纖瑕夕郎風采照今古
 封駁不貸姦與衰紫微筆語妙天下文鋒凜凜森莫邪
 左史聲名動六合豈特疇昔傳三巴一朝櫻桃德星聚
 離騷可奴玉可銜蘭亭觴詠僅堪比金谷歌舞徒能奢
 我有一匹好東絹誰為作圖千古誇

送楊飛卿國錄

楊侯作錄來成均野鶴昂昂端不羣一朝議論不入意
 棄擲祿位如浮雲羣公挽衣留不住直入茗雲親耕耘

惜吾無力叫帝閣不能以侯直諫聞

無書出丙午仲春西湖舟中作

春陰將近一百六絮擘晴雲新雨足煙邊芳草碧如茵
 籬畔海棠紅映肉相携逗曉出城西城風景如杜曲
 兩岸雲光卷畫濃一湖春水蒲萄綠坐中豪俊雜吳蜀
 磊落羣書紛拄腹掀髯一笑浪波間淋漓衣袂尋碁局
 他年想像此風流應作生綃圖一幅

天台歌

涉海神山誇蓬萊登陸勝地稱天台天台枕海連四明萬峯
千嶺相縈迴赤城繡出綺霞色瀑布界破瑤山青神仙
居處寸步有遊人白日迷香冥剡溪昔年有二客五月
此山同采摘只知采乚不盈筐不覺行乚失歸陌龜腸
蟬腹忍鳴飢傾壺進食欲令誰山桃一顆垂林畔共食
歛然肌骨換下山得水澗石中以手飲之還濯盥又見
蕪菁出山腰一杯圓轉中流漂二人相顧却相謂此地
去人應不遙過溪水深四尺許又度一山逢二女韶顏

艷色世所無南國東鄰何足數笑喚劉晨阮肇名相識
渾如舊有情問郎若箇來何晚遂即殷勤相奉迎入戶
幔帷殊不惡錯落真珠與瓔珞只將左右幾青衣也勝
人間誇綽約逡巡進脯飯胡麻瓊杯片片斟流霞不知
仙客來何處各把宮桃慶女家歌吹嘈乚張內樂顏色
有欢情有樂金鴉飛入向虞淵客散虛堂掩簾箔夜深
各擁一仙娥泛乚鴛鴦在綠波和鳴乍自秦簫起行雨
初從楚夢過瞥然一留因半載天氣常如三月在百鳥

哀鳴不可聞感此茫茫愁似海俗緣未斷身未輕思歸
日有求歸聲更招女伴作離樂共寫深衷無限誠曲終
一出山中洞萬里雲烟空目送歸來不見去時人寂寞
驚魂若春夢子孫雖在不相知欲尋舊路已多岐棊迷
柯嶺難重見花失桃源空自悲風流雲散令人惜至今
猶唱阮郎歸

重陽

一年秋色重陽濃園林上下皆清風遠山百里削寒土

平湖十畝磨青銅亦好茂樹蒼西北露枝霜葉紛青紅
枝頭寂々少啼鳥天外隱々飛征鴻弄月基蟠綠淨中
東南况有小垂虹潭清潦盡境更好水落石出募堆工
愛山堂前花作叢疎々楊柳瘦毛同紅蕉碧桂互掩映
蘆花蓼穉交蒙茸新亭爽塏瞰空濶凭欄一目連七峯
煙霏霧靄掃欲盡但見突兀撐晴空携筇更登月山椒
嶙峋怪石高玲瓏香爐近出陂陀側雲黃復在南山東
水聲激々朱澗曲颺々風響生樛松菊萸萸實籬可採山

肴野藪盤能供作詩頗類臺戲馬吹帽未減山名龍良
辰美景樂心賞四者偶并今始逢明朝不問蝶愁絕更
飲黃花琥珀醲

次韻茂恭見寄

中書一揮千萬言有如水懸呂梁間奔逸絕塵不可及
蹇欲從之良獨難如君文字可華國胡為猶在南湖側
樊川昌谷縱多才欲以比君那可得君家紅杏連白榆
似向君王得鑑湖水光溶上浸山色樓臺上下如冰壺

磬湖蕭瑟逢秋令男呻女吟貧非病阿奴碌上僅自全
伯氏今亡嗟短命恨我不如大小山徒爾思苦仍辭艰
既無擊鉢揮毫效空愧詩筒數往還

題李氏擁萬堂

我如王恭讀書少君如鄴侯藏書多排籤插架三萬軸
知從何處能網羅上自先秦下五季與帙隱篇皆略備
不同邢邵嬾校讐丹墨精研吁可貴君不見廬山先生
子李子白石房中富文史自蟠萬卷筆如神事業文章

俱兩美又不見西蜀劉公少常伯今侍講侍郎劉公平字詒美西蜀人也

生醞芹嗜圖籍傾貲盡寫中秘書隨身卷軸車連軌邇

來置書事經綸論思獻納日日新君今堂中書汗牛願

君學李兼學劉盡攬英華歸肺腑一鳴便作冲天舉

月窓以所畫觀音見遺為賦一篇

白衣仙人雲海上肉眼欲看唯想像月窓道人心孔開

貌得人天行道相吾聞伯時晚畫佛妙處不減王摩詰

龍眠久矣寂無人安得却有伯時筆

以春孟送茂恭蒙以古詩為謝次韻奉酬

我家古甕彭亨腹十年貯酒色如玉傾瀉惟須老瓦盆

精器便成蛇着足花瓷跪薄誰能攜遣送君家保不虧

雖然金盃未伯仲儻與椰樽相等夷

悲夏畦案此詩據南宋名賢小集增入

悲夏畦南畝苗未長東皋草已齊旋令姬婦辦餉饁獨

引丁男耘耨秣悲夏畦炎天炙背如蒸雞渴來不得飲

清溪寧知水榭冰山裏猶自頻嫌日永西

長江遠浪連天碧岸柳垂七臨斷石漁舟一葉白頭翁
 獨把釣絲持魚食我身猶是紅塵客對此無言三歎息
 安得輪竿入手來與君共釣消長日

欽定四庫全書

香山集卷五

宗知喻良能撰

五言律詩

題三洞

千古巢仙地嵌空本自然一看三嘆息十步九回連似
 入華陽洞疑通小有天何時洗塵垢來作枕流眠

三月六日宴李家园亭

林園遇元巳流水遶芳叢畧約半尋影餘醺一扇風杯

盤花氣裏挑簾鳥聲中公子敬愛客月明樽未空

郊行六日宴客名園真

散策林塘路秋深別有光晦明雲聚散濃淡樹青黃晚

覺衣襟冷風吹橘柚香菊花何處有聊欲試重陽

次韻季野弟蠟梅

媚色全勝柳孤標半似梅蕊寒金粉膩香重麝脐開徐

筆那能畫并刀未易裁扶頭中酒味安得一枝來

燈式四讀書言

傍砌看黃妳臨池誦子虛顧慚雖耗忘聊復惜居諸屋

上兩鸚鵡波間雙鯉魚疑他不識字何事也聽書柳子厚荅

許京兆書神志荒耗前後遺忘

讀玉局集

曉讀蘇僕集披翻未覺勞衙官視宋玉奴僕命離騷亦

壁清風遠黃樓逸興高獨嗟生苦晚不得侍揮毫

留別伯壽兄

相過不憚遠相迎慰所思須知對床處絕勝陟岡時夜

雨論疇昔秋風惜別離明年楚東景準擬共題詩

之官桐川道中口占

登道重逢驛離家再及晨雲輕山色晚寒淺鳥散春碧
澗梅花老銀杯竹葉新前途風日好持用悅慈親

戲綵堂有作

捧檄及偏親斑衣聊效顰旨甘貧有味溫清靜無塵北
戶足萱草南風宜棘薪板輿多喜色庶不愧安仁堂之前有

棘一樹

次韻趙景明呈許明府

卜畫開英集瑤林映珉珞顧慚梅隱吏繆接范萊蕪官
柳春猶淺江梅韻亦孤他年想風味應有汭川圖

對鏡芙蓉二嶺相望僅三十里高不知幾百尺

十步九折殆不啻蜀道之難也已卯孟秋沿檄

過之僕夫告痛已亦罷極因成小詩

石鏡寧堪對芙蓉不是花陰中多虎跡平處少人家曲

六蛇行迥歌危鳥道斜白雲宜入望不怕亂山遮

九日同尤司戶舟行游梅山
今節逢重九相携鑑上游
扁舟浮舴艑左手把蝓蚌紅
葉明青眼黃花重白頭
晚來風色好歸棹得夷猶

題聽雨軒

小軒在官舍不與囂塵并
清池浸窻檻修篁礙簷楹
幾當迢迢夜聽此瀟瀟聲
懷哉對床約輾轉難為情

晚行竹山道中

山瘦溪如練丹青見亦稀
亂鴉將影過孤鶩帶霞飛
秋

色此時老故園何日歸
西風吹獨立搔首怯征衣

始生之日黎明以職事出郊

征鞍隨曉色重露濕衣巾
誰謂懸弧日翻為執轡辰
野花正笑客啼鳥故窺人
呼酒澆孤悶何心作好春

朝爽之前瑞竹忽生

好竹逾千箇數莖忽發生
月明連理影風細合歡聲
矯七雙鴛舉脩七兩鳳鳴
祇應三昧手綵筆畫難成

端午至太平寺

客裏逢端午僧廊雨氣涼簟簟千箇碧簷蔔六花香魯
頰程尤遠潘輿興自長糝蒲傾美酒笑入醉中鄉

題九華山用太白聯句韻

千古池陽郡九峯應最華明珠絢晨露麗綺粲晴霞嶺
頭過子晉巖腹憇洪崖謫仙無復見空想夏侯家

題建德驛用經略張舍人壁間韻

殘暑塗山去涼風至德來吟餘秋色老客裏菊花開傳
舍全依石中庭半是苔張公有佳句三復興悠哉

新安遇雪

寒色今朝異屯雲萬里同定知花翦水不是絮因風薄
宦翻成旅愁吟未易工白頭親八十苗滯楚江東

次韻謝子良詠雪

晚來寒氣重景物故撩人不厭詩雕腎寧辭酒入唇恍
驚殘夜月疑夢故園春欲倩何人畫紛紛飛玉塵

青巖道中

寒食江村路東風野渡航一篙春水碧兩岸落花香飛

絮匆上遠青山故上長茲遊自竒絕底用更尋芳
周少府由姑熟送余同宿于玩鞭亭

相別石桃郡相逢南豫州五年勞望眼一笑失離愁碧
水溪橋暮西風野店秋追隨成夜宿不為玩鞭留

寄陳孟容二首

先生湖海士餘子詎能班正始清談近黃初美句還相
望半舍外契濶數年間何日衡茅底匏樽一破顏
細草還堪藉柔荊亦可班馭風如肯通踏月不妨還種

藥臨花畔分沅遠竹間眼邊無俗物頗似一瓢顏

廣信道中

昔日題詩處重來續勝遊綠陰初入夏蒼鬢幾經秋細
雨渡頭市孤烟汀際舟溪山雖信美翻恨不淹留

次韻侍御晚宿三义口

故里頻懷梓新堤未築沙文章真吏部吟詠許劉叉酒
醞孤風物詩筒隔歲華相思江路遠烟雨茁芳葭

書大洞僧壁

招提閔林麓魚鼓白雲邊地僻疑無路山深別有天幽
花充佛供好鳥伴僧禪何日征鞭暇重來借榻眠

如里前寒食游香山

杖藜隨所適花柳自村上野岸桃臨水人家竹映門香
泥飛燕子芳草思王孫看處堪沉醉春醪正滿樽

被即檄禱雨丹井山徐真君祠登山拜畢即獲

霏霏追用韓文公郴州祈雨韻

欲解驕陽厄寧辭祀禮繁純誠殫髦上英烈仰言上雲

陣千屯合雷聲萬馬奔晚來歸路好飄灑勢騰軒

紫霄宮

間闕穿木杪詰屈轉山腰自昔形清夢于今到紫霄容
儀粲冰雪環珮響瓊瑤安得顧吳子憑渠圖素綃

攝邑獄空

番邑於今劇民風自古雄琴堂慚久攝劔獄喜新空纏
索塵埃裏桁楊片段中使君端不擾顧我百無功

石井

山右最佳處有泉生石傍虛明秋後月清冷雪前霜鰻
井真牛後龍湫可鴈行濯纓仍漱齒政爾不能忘

游西源

萬里西源路秋風展齒鳴嶙峋千障碧窈窕一川清天
柱雲霄迥香炉霧靄輕何當携翠袖重遣酒壺傾

奉和趙大本教授何處春深好二首

何處春深好春深泮水家不妨頻折角寧復誤隨車已
見傾三峡行看判五花日邊催覲連芝檢紫泥斜

何處春深好春深倅貳家雨低簷外柳風度牖間花有
意揮吟筆無心顧麴車慈顏一笑粲戲舞綵衣斜

景德道中口占

棒檄東方日芳春未及歸路花紅掩映溪樹綠因依鳥
語催寒食人煙接翠微尋詩忘遠近細雨濕征衣

由安仁回宿大木寺

御史題詩處山深草木雄一番青燒雨十里錦帆風婆
餅林間語山茶葉上紅明朝入於越吟詠與誰同

奉酬玉宗丞用宿大木寺韻見贈

譽處千鈞重文章一世雄詩工穿月脇檄好愈頭風北
嶽閩山碧南州荔子紅使君今北海還許一樽同

送侍御師夔府

湖海番君國江山白帝城凝香餘坐嘯飛詔趣遙征譽
處千鈞重輜車一羽輕攀轅雪眉老送目逐雙旌
千古楚東郢風流今在茲魯公元直道文正不妨詩鉗
吏似束濕麾龍如使兒甘棠足遺愛會有去思碑

西風動行色詩景統征鞍赤甲懸危壁黃牛瀉急湍猿
聲雲背落山勢馬頭盤天險須人守毋辭蜀道難

諸葛仍祠廟公孫只故基棟梁酣夕照雉堞蔓秋葵耿
匕登臨意悠々今古思烹鮮不勞力餘事杜陵詩

四海猶多事中原未版圖皇心思啓沃赤子望霑濡八
陣難留滯三階拱進趨茂洪寧有意江左待夷吾

被檄之上饒言還未幾又復往焉至小渡遇兩

遣興一首

檄至方云急吾行敢滯留朔風經小渡細雨過中洲渡

中流有洲冉匕新斑鬢飄匕敝黑裘欲知來往久三見

月如鉤

九月五日周少府衛秀才會飲吳波亭周有詩

因次韻

碧水初微落黃花亦未簪三人千里客尊酒五年心我

獨年齊白

樂天云不齊身年四十
七余今年與之齊矣

君皆句似陰不妨鐺

脚坐聊作夜深吟

次韻王侍御夜宿高牙

相別三時久相望萬里賒携書期過鴈徙倚至昏鴉風

雨番君國雲烟夔子家何時趣歸覲重許拜高牙

至日見梅

漸老身仍健多愁鬢易華異鄉逢至節細雨見梅花酒

薄那能醉詩成敢自誇何時故園裏徙倚看橫斜

次韻俞尉春日遣興

漸欣長晝煖欲解短爐圍春色已如此故園猶未歸常

編今日事回首去年非鏡裏衰遲色多慚壯志違

苗別趙明府

綵棒漫分部牛刀新發硎花城方竊蔭瓜戍已餘蓂生
計雙蓬鬢歸心幾驛亭他時重會面應是眼俱青

初離鄱陽

三年勞簿領今日進歸程意與長途遠身兼薄殼輕
輿頻送喜山駟屢逢晴道上人爭指霜髭綵戲榮

衢右道中

投曉行衢右經旬別楚東侵衣梅溽雨吹面麥秋風
壠畝凝烟外峰巒滴翠中懸知鄉井近漸喜語音同
漸喜家居近相望六驛間脫身江左役洗眼浙東山
鄉味初充饌慈闈亦破顏經過穀溪水應笑鬢毛班

村居夜坐讀王右丞山中與裴迪書愛其清婉
賞心亦有魏晉風味因集其語作詩一首亦老坡哨遍
之義也

景氣既和暢故園殊可依遠山映清月曲水涵淪漪寒

金定四庫全書
卷五
犬吠如豹村春聞自机因思曩昔友携手同賦詩

獨善堂

賞心并四者文史足三餘不作簪紳念唯便水竹居住
名元籍上真樂每如七月旦遺評在今經幾建除

靈山寺

松竹聲中寺山深人迹稀石從林背出雲向屋頭飛野
鹿寒仍聚棲禽暮自歸怪來襟袖冷濃翠濕征衣

買舟至九里松遊三天竺

解維凌皛玉輟棹理孤筇遊遍三天竺行窮九里松泉
聲依石細山色共秋濃佳處吾能識幽巖倚秀峯

欽定四庫全書

香山集卷六

宋

喻良能撰

五言律詩

愛山次韻外舅黃虞卿為愛山園好八首

為愛山園好
 芒屨步上高
 綠針擣露韭
 碧箸翦春蒿
 但得林泉趣
 誰能州縣勞
 何慚王孝伯
 痛飲讀離騷
 為愛山園好
 芳籬占一涯
 自耘三迳草
 不斷四時花
 柳絮風中雪
 芙蓉水上霞
 銀潢何處是
 不擬問仙槎

為愛山園好年年草色新醉眠歌柳幄吟坐俯苔茵栗
里風烟古樊川花木春誰云無伴侶對影共三人
為愛山園好都無塵世喧穗禾臨芟沼繩草對苔垣去
就隨家醞窮通付寓言還同李長吉來過有高軒
為愛山園好蕭齋竹迳通疎簾捲雌霓曲檻倚雄風愛
酒杜陵老煎茶桑苧翁菟裘真得計蹤跡免飄蓬
為愛山園好投閒日日来花時長夜飲雪後煖寒杯一
迳松篁影滿畦桑柘栽未能湖海去幽具亦悠哉

為愛山園好林塘十畝寬露深花臉濕春淺柳眉攢只
擬希高隱那能縛小官壽山誰問訊太白正蚪蟠
為愛山園好紅塵半點無自應成小隱誰復嘆將蕪香
秫五十畝黃柑二百株何心隨俯仰歸去亦良圖

次韻劉淳叟見寄二首

九萬垂雲翼胡為乃倦飛丘園聊偃息巖阜故因依蝶
栩新酣睡鷗馴久息机祇應與風景相賞莫相違
出處雙青鬢生涯一釣舟淺深山遠近濃淡樹稀稠隱

几畫逾靜捲簾春更幽何當乘興去艤棹向汀洲
醉後次韻季直小疾初愈見寄

睽違總一日懷想似三秋忽得五字句真成百不憂荷
花要同賦竹徑擬清游明夜月華滿杖藜能過否

二月二日大雪

磬湖二月雪寒氣故裴回麴市連天合銀花照眼開送

窮七不去俗以正月二十九日送窮二月二日為迎富招隱七難來幸有麴

生在何妨畧耻壘

遣興

山園近寒食春事總芳菲風暖鶉鳩語日長蝴蝶飛花

光明醉眼草色淨塵衣自足家居樂為生未覺非

昔忝郡文學今為宗子師政懷三釜樂那復四愁詩時

服光搖目香杭滑溜匙唯應誦風雅儻可解人頤

伯兄由臨海歸省出示近詩次韻奉別

相別既四載相看如友生未成投轄飲先作倒衣迎夜

雨方同聽秋風又獨行不堪分手處霜重鴈行輕

重九會飲愛山堂
 閒居愛重九賒酒對黃花
 水榭杯盤瑩
 家人笑語謹
 官情薄
 秋靄吟思統
 晴霞向晚歸
 途好飄七醉帽斜

搖落偏悲客
 清寒易中人
 寂寥那自守
 淡泊亦殊真
 浮俗仍皆醉
 虛談浪飲醇
 高歌傲燕市
 忽憶重千鈞

五舅處士惠訪小園作詩為謝
 五舅多道氣
 相過茹杞苗
 意行隨綠徑
 情話竟清霄
 送

酒飛花急
 撩人鳥語
 嬌不堪
 分手處
 風雨晚
 瀟瀟

海上作

晴浪空仍白
 雲峯遠更青
 乾坤幾萬里
 聚落一浮萍
 自昔聞溟渤
 從今小洞庭
 端如初發覆
 坐覺病眸醒

再用彙公長老韻贈詞宗教授

居易青衫舊
 安仁素髮新
 愁思中酒聖
 貧忍論錢神
 白也詩誰敵
 潮平筆更親
 生辰宿南斗
 同是數奇人

疊嶂寒溪硯屏

疊嶂千重秀寒溪十里清
漁舟朝歛乃樵斧晝敲鏗
窈窕疑身到幽竒訝筆精
蕭齋凝睇久坐覺世情輕

次韻何茂恭永新見寄之什

起家從吏後寧為食無魚
游樂廢山澤懷歸畏簡書
文章簿領外風采折腰餘
卧輒從茲始為謀未覺踈
尺書將遠意飄忽渡江湖
嘉褚藤溪少纖毫月窟無封
題煩妙札沾丐到迂儒
多謝相思切迢七千里途

立秋日迂宣諭中丞奉懷宗嗣宗

繡谷離朝右羸驂走道周
侵星宵不寐曝日夕初休
天地方炎暑山林漫早秋
廣文官舍靜應念汗交流

試院九日次王茂材丞公韻
魚呈翁沂伯廣文

秋杪仍新霽天涯憶故鄉
少陵三坐客太白兩重陽
深院日復日寒花黃未昔
年吹帽飯今日讀書牀

筠溪

精舍仍幽處深溪冒淺篁
寒聲隨浪起翠影共流長
斷岸通秋月虛簷愛夏涼
雖無杜陵韻絕勝贊公房

二月五日夜夢何茂恭論詩

不見水曹以相思亦已勤夢中不識路樽酒細論文家
食甘春齋官居采泮芹何時真會面風月與平分

挽益官縣丞何公

先子生辛未齊年見此翁從容六紀內隱約古人風教
子從書積延賓畏酒空階前桃杏色依舊入簾紅

夜夢亦好園

薄宦思歸切天涯秋氣深一番南國夢千里故園心歷

歷湖邊路悠悠沙上禽橫枝清絕處何日復追尋

間東嘉王公得擢學士喜而成篇

四海王夫子精忠簡冕旒詔綸飛渙渥禁閣要名流江

左思安石朝端欠武侯命珪兼召節蚤晚到南州

由真隱至枕峯寺

南國清秋杪長林翠靄重嬾黃千頃稻深碧萬株榕峽

水風前急西峽波名方山雨後濃征鞍何所憇蕭寺枕孤峯

野外初涼冷征衫亦未重檀欒溪上竹勃窣道邊榕秋

意撩人切嵐光潑眼濃更尋天竺寺却憶此高峯

題雪峯寺

蘭若接闔天登臨意豁然樓臺秋色裏鐘梵暮雲邊未
遂遊山興聊為借榻眠白頭仍捧檄奔走只堪憐

八月十六夜月

一更山吐月萬里湛虛明聊當中秋色堪欣此夜情西
風金盞側香霧玉簪橫却憶青蓮語寒鴉棲復驚

送廣漕曾郎中赴闕奏事

綠鬢懷中詔清秋向上都聖圖方廣大賢路不崎嶇會
見除清切寧須復轉輸公如任風憲枹劾莫踟蹰

侍太孺人由安國過賢沙至鳳池

板輿多樂事沙路及時時約畧瞻龍卧逶迤到鳳池飽
樽細斟酌華髮足邀嬉此意安仁解曛酣更賦詩

山陰

綠髮經行處重來兩鬢絲共誰論舊事何處有新詩鑑
水春妍蚤蘭亭雪意遲邦人爭指似壽母近期願

禹帝祠有序

余往來越中廿五年未嘗不致疑於禹陵以
龍瑞之禹穴為是耶則其大魯不盈咫以告
成之窆石為是耶則自昔以為葬衣冠皆非
陵也淳熙戊戌四月十一日齋宿祠下同孫
簽判次襄夏察判蹈中自窆石登山披榛荆
至絕頂見其地正平中起大冢前對群峯下
瞰窆石巍然儼然真前代王者之陵寢也於

是前日之疑始釋因相與再拜喜而賦詩云

幾歲欽文命今朝拜禹陵
稽山新雨霽鑑水暮雲凝
更覩玄圭錫懸知四載乘川
靈泊河伯千古獲依憑

覩有璋一

壁一
圭二

有感二首

冉冉新華髮颼颼敵黑裘
一官方半刺六十已平頭
稠疊耶溪泛崎嶇禹穴游
未能江海去聊作稻梁謀

再有淮南亂紛紛幾戰場
血腥官道兩骨映野田霜
行

鍾定四庫全書
卷六
陣青黃氣朝廷赤白囊何時洗兵甲四海重耕桑

次韻伯壽兄秋日偶題

漸老良多感悲秋強自寬鬢驚潘掬白衣怯范生寒逕
合荒苔碧窻明落葉丹澆愁須暫醉忍放酒杯乾

夜發曹娥堰

孤燈乍明滅隱約小橋邊野市人家閉晴天斗柄懸秋
深風落木夜靜浪鳴船却憶前年事扁舟過雲川

書堂

每憶書堂好重來又十年征途聊復爾風物故依然松
竹干巖暮雲烟九月天凭欄佳興發欲進剡谿船

九日諸暨道中示興之

客裏逢重九蕭蕭落葉風畧無花對菊但有鬢如蓬蕉
卷新收綠楓旗半展紅燈臨語宗武刺喜一樽同

道中口占

出郭及初旭郊原豁寒情雲淨空既碧霜明湖更清蕭
上衆木下杳杳孤鴻鳴安得陶謝手作詩替丹青

空山古寺裏齋宿值冬晴塵囂一何寂心境兩俱清砌
月曉霜色松風夜籟鳴語闌人未寢孤館伴燈青

題隱靜寺

杯渡已仙去茲山餘勝蹤傍雲開廣殿夾道蔭長松幽
洞秋含霧清溪冷漫峯老僧如宿昔一笑喜相逢

何茂恭于南湖何有詩因次韻

相別三年久相逢一笑時眼邊無俗物袖裏有清詩山
路梅花早湖天雪意遲不眠成夜話寒月在疎枝

即事

亦好經年別歸來意轉親橫斜花練練清淺水鱗鱗又
逼瓜時成聊娛戲綵身新添蘭桂圃近在岸西濬

紫笑

表裏俱穠紫冬春獨擅青每蒙天一笑

德壽最喜此花不與素

同馨風味撩吟筆芳菲入畫屏幾番饒睡思聞此灑然

醒

兩餘

兩餘平野綠耕種滿東粵處上鞭黃犢家上賣孟勞筠
盤餽糖乾瓦盆薦溪毛所願甘霖足梁間掛桔槔

同警風謝趙昌父投贈詩卷

趙子有新作鼎珍初出庖端能工競病寧復費推敲白
戰應難敵清臞亦任嘲風流前輩盡試合續絃膠

三月六日湖上分韻得山字

剡漲三篙水寬園十里山垂楊飛舞裏細雨有無間把
酒從杯溢題詩任鬢斑青春仍暇日莫惜晚西還

三月二十六日工部宿直

遠宇近霄漢微風搖竹梢漏聲通五夜鐘韻自三茅衣
袂偏宜睡盃單詎用庖風興那敢後鷄唱已嘒嘒

題秀野堂

秀野臨空濶三堂若是班荷香平入座湖影倒涵山魚
鳥丹青裏雲烟水墨間他年儻同社應共狎鷗閒

奉酬鮑仲山機宜見贈

四海今詩伯才名許孰儔波瀾捲顏謝步驟到曾劉婉

畫參機幕精忠動冕旒時危須戮力談笑復神州

次韻陳魯望即中

筆底詞華盛寧論大小山敷腴建安際古澹正元間未
許窺三昧特容見一斑草堂詩律在風味喚仍還

溫泉

招提閔林麓棟宇壓江郊來作溫泉浴如逢瘡處搔綵
衣臨砌檻華髮對尊匏一笑涼風起紅散荔子梢

曹務拘綴不及赴張持荷賞梅之約因得小詩

寄似

渺七烟波濶南湖在帝城梅將春共早人與境俱清筆
墨探三昧樽壘有四并未能乘興去遙望目增明

題郭邵州同塵庵

榮辱酣歌裏賢愚睡眼中未應分野馬那復障西風晏
坐從凝席揚鞭任軟紅巖棲兼鼎食處七不妨同

臘八日雪參議林郎中有詩因次韻

玉樹參差見銀花子細看淖糜分臘序圓炭度朝寒
議參

餉臘粥府公分圓炭

冉冉頭新白 匆匆歲又殘 聊憑一杯醉 忍把

兩眉攢

出於於氣詩贈許道平 歲時思歸身處可同 亦故同

宋李商隱詩 思歸身處可同 亦故同

歐陽修詩 思歸身處可同 亦故同

蘇軾詩 思歸身處可同 亦故同

黃庭堅詩 思歸身處可同 亦故同

秦觀詩 思歸身處可同 亦故同

欽定四庫全書

香山集卷七

香山集卷七 陳師道詩 宋 喻良能撰

五言律詩

次韻李大著春日雜詩十首

春晚饒芳景 官閑得細看 隔窻黃鳥並 開卷壁魚乾 過

雨蒼苔濕 迎風翠竹寒 髮華搔更短 斗酒自相寬

漫仕歎遲暮 卜居城北偏 已教山白石 祇欠沼清泉 簾

透一簷 月窻橫數尺 天雜花還映 竹故故自芳 妍

賤子知何幸，萊衣老更斑。白頭居杜曲，清夢到香山。所

居山名琢句愁雕腎，銜盃喜渥顏。此身慚暮翼，飛倦未知

還。

娛親須寸祿，近院敢辭留。頗媿花經眼，還應草喚愁。身唯親布被，交已絕牙籌。詩興抽毫足，無勞入海求。

花日淺，明牖竹風依。度墻舉頭空，弱絮轉盼墮。危芳興遣憑毛穎，愁消賴羽觴。陰陰繁夏木，故里耿耿難忘。

借居仍種菊，往往似天隨。日咏三春酒，燈明午夜棋。閒

臨永和帖，細誦建安詩。潦倒同中散，歡欣似啓期。

帝里春仍好，風和晝漏遲。但懷三釜樂，遑恤北山移。老

大諳斑戲空，疎媿色絲。平生杜陵老，耿耿寸心知。

屯雲初解駁，曉日有晶輝。城郭紅塵軟，江湖春水肥。小

舟浮綠淨，芳徑步熹微。起我故山思，多慚未拂衣。

素髮已垂領，故園猶未歸。鳥聲思磴道，柳色憶荆扉。嫩

綠枝邊暗，殘紅葉底稀。幾多新乳燕，一一出巢飛。

一載違松社，全家客帝都。濁醪充上頓，清俸付中廚。親

老唯須養皇恩詎敢孤道遙處山澤未忍學仙臞
次韻王龜齡春日湖上
春日花茵積雲開天鏡磨暖風今日好細雨向來多柳
蔭青絲障湖明金巨羅何辭成醉倒煙草藉晴坡

羅春伯以呂居仁集寄似作詩為謝

平生子呂子妙語總關心忽得詩三百端勝書萬金
惜醒睡眼炯炯淨煩襟何以報嘉惠空慚綠綺琴

六月二十二日夜省宿一首

省廬頻宿直何異在承明地峻江聲近風輕荷氣清
鬢毛真騎省詩思小陰鏗記得山村日馳情向玉京

印印詩有序

予在工部常兼屯虞水三印去歲八月一日
暫攝奉常三日復暫權禮部又兼二印為五
信宿乃生印印故以命之生八月餘而卒今
歲仲秋五日蓋其周晬憶而成詩
印印秀而好明眸冰雪膚逢人賞岐嶷問字識之無若

有萬金藥真成千里駒空花今已矣昨日一長呼

十一月二日與陸明府陳廣文黃使君吳都曹

江廣文同飲于閔中堂修年契也酒後耳熱因

得小詩呈似三日賦詩數首時入燕二時為五

菊色猶黃處梅花未發天三山千里客一笑六同年公

等多朱紱予方乏坐氈清談仍痛飲應作畫圖傳

同德坊寓居

天地方搖落江湖入夢思三為京輦客十見歲華移疊

疊金閨直蕭蕭素髮垂殘年飽喫飯細誦少陵詩

檢書偶見故王侍郎嘉叟舊與余倡和之什良

用慨然因題四韻

文字名三世精神運五兵徒看遺墨在却嘆曲池平浙

右頰犀塵江東幾兕觥倡酬今已矣撫卷淚縱橫

挽高宗皇帝詞

扈從浮江日憂勤立極初八年躬甲冑萬國混車書治
定端無競功成自不居休明嬈虞舜逸樂夢華胥

金定四庫全書
卷七
天地重開闢
民人拱德馨
奎文贊元聖
宸翰列羣經
禮樂盈三紀
光華亞九齡
龍髯攀莫及
臣子涕交零

入局言懷

學省清秋好
無塵意趣長
講餘簾影靜
坐久綵衣涼
未有裨王族
真成耗太倉
顧慚麋鹿質
亦許玷朝行

寄宋子淵運使

對閣思槐市
成規媿奉常
六年談笑阻
千里夢魂長
將漕衣仍繡
空餐鬢已蒼
何當奉犀塵
風月要平章

判院蔡文和予五詩次韻一篇奉酬

病起驚華髮
官閒覺素餐
文章慚李益
名譽羨蕪端
老去觀書嬾
愁來避酒難
非關作詩苦
自爾帶圍寬

黃誦書太器見和五詩次韻一篇奉酬

客氈寒莫致
官舍絳蕭然
睡思茶甘外
窮愁酒力邊
未成投轄飲
時作撥書眠
野鶴如雙鬢
衰遲祇自憐
獻之火著得
予喜賦以詩
來謝次韻奉酬

辱袍吟處筆
墊角雨餘巾
黃纈才無敵
青藜杖有神
將

乘桓典馬肯受度公塵老我知何幸窮塗獲下鄰
茂林見訪有詩次韻奉酬

解鞍揮玉麈疊疊笑談清昨夜燈花喜今朝乾鵲聲興
同狂祕監詩似老彌明憶昔南臺北相逢蓋始傾

陳彥山寄示新詩次韻奉酬

山園寧厭小閒地只如暮木落長天碧雲飛遠岫青故
人應見憶新詠許時聽句好何勞琢雖搜不用冥

題周希稷清閔軒

之子蘊琅玕幽軒足考槃龍葱煙翠濕瑣碎日光寒似
向蘭亭見全勝墨本看是中雖信美未可懶彈冠

喜雪

同雲生舊臘積雪入新春野色連滄海驩聲動紫宸峯
巖朝掩映樓閣夜精神莫展山陰畫雖工不是真

贈陳宣幹

嗜古心仍切尋詩句益工十年江左別一笑日邊同補
外吾天幸懷歸子道東好為旬朔款解榻待春風

侍親由三山還東陽
南雪不到地玄冬偏滿山
春風仍料峭綵袂正爛斑
廣廈千間靜虛空一宿閒
此身如羽翼飛倦始知還

文舉仙尉以詩寄似兼惠新安紙乳洞茶次韻

奉酬

閉戶鶯聲老開緘鯉素新
多慚青眼舊遠寄白頭人
佳楮冰天繭芳芽雪洞春
著書並破睡勒謝敢辭頻

題雲黃山寶林寺

彌勒下生地溪山秀且長
蕭蕭雙樹碧冉冉片雲黃
曉日觚稜淨西風松桂香
十年疎杖屨玉石耿難忘

錦園

孟夏錦園好山花高下開
風歌紅芍藥雨重紫徘徊
衣染香邊藥鞵粘綠處苔
鶯歌兼蝶拍時送掌中杯
山園多勝踐繚繞磬湖濱
畦藥青生甲湖渡綠動鱗
鵝鳩知欲雨鴉舅報將晨
却憶京華日長懷浩蕩春

題何茂宏茂恭林堂

華堂閔林樾林秀水泉甘野色袁家渴秋聲鈿鉞潭二
難今有此四者許誰參他日承明直懸知憶翠嵐

此園之月桂堂

月桂堂何有池清桂影橫畫圖寧辨此玉斧巧修成入

夜境逾妙絕秋風又生饒陽巖石下隱約欠分明上饒有巖

如月巖中一樹
如桂名曰月巖

廿五兄宣義見招偕諸弟赴新亭宴集即席有

醉樓下作

瀟洒新亭好松長桂亦稠清秋集鴻鴈暇日勸觥籌既

遠含香直何辭秉燭遊主人情義重終宴不知休

錦園雙桂植之二十八年未嘗着花今忽盛開

紫趺黃蘂所未曾見喜而賦詩

疇昔栽雙桂于今四七秋紫趺香冉冉金蘂色浮浮標

致殊他桂風流最尊牧無才強摹寫着語故難適

八月十三夜仲季二弟弄月亭對飲

今宵端正月故故向湖山玉兔窺杯凸水娥怪鬢斑詩

情用里逸酒膽夏黃慳興罷度橋處天風松桂間
次韻程觀過夜飲靈濟祠下
松月瀉清影爐烟凝宿雲檠燈寒照席樽酒細論文清
漏轉三鼓芳杯醕十分絕勝銀燭裏妙舞看榴裙

送朱師古少卿歸蜀

西蜀多賢士于今見奉常十年方出守萬里好還鄉
水冬無險河圖晚有光臨岐分手處政爾不能忘

蘇西師丞相王公挽詞

炎統中興日淳熙翊贊功憲邦同吉甫待旦類周公
品恩榮重三朝禮貌隆欲知勲業盛請眎鼎彝中

維嶽鐘英粹興王有俊良文章周衛武書考郭汾陽調
燮民庸茂彌縫主道昌中台一宵圻四海淚滂滂
疇昔翹材館踈庸獲屢游衮衣無傲色吐握有勤求輔
弼十年久雍容片善收至今天下士語及淚交流

丞相大資葉公挽詞

雙谿鍾地識一相破天荒道至黃扉重勲由紫府昌堤

成歡百辟台圻泣羣方盛烈銘鐘鼎千秋耿不忘
德望堂堂重威名凜凜寒三年袞衣粲四海寸心丹
野悲裴度蒼生憶謝安白頭賓客在慚痛淚闌干

挽商元鼎

舉世方貪祿斯人祇自怡一官如涕唾半世足遨嬉
心地波千頃生涯酒一卮唯應郭有道吾不媿為碑

挽黃泰之

漢世無雙價皇朝第一流文章驚北闕名譽滿中州
槐

市師模遠蘭臺史筆道所嗟時未合不作濟川舟

挽樓士特

平生易諸子向我獨拳拳雪屋傾銀學春風並錦韉
笑談多竟夕契濶未經年來作生芻莫淒涼涕泣然

挽唐立夫舍人

才名振西蜀老氣益中州草制追盤詰籌邊動冕旒
已令榮壓角復遣飲遨頭千古九江恨長隨逝水流

挽石似之郎中

欽定四庫全書
卷七
幾作儒林冠親承帝渥隆雙旌大江左一節古吳中列
宿英聲在浮雲舊事空無從挂吾劍老淚濕西風

挽國史侍讀李公仁父
大名垂宇宙秀氣發岷峨學比淵雲瞻才方賈馬過九
朝資直筆二子振賢科已矣流芳在千秋保不磨

挽處士陳容

乾坤身老大丘壑跡委蛇不枉安車召誰為薦鴉詞年
生五千卷身後寧馨兒他日編遺藁應多感遇詩

歷數鄉閭老誰知德齒尊無心游魏闕有意樂丘園漫
不霑三釜真堪映九原涕洟歌楚些已矣莫招魂

挽李康靖少傅夫人

九月秋光急山川苦霧迷卜邛新隧啓度輦短蕭齊寶
劍知終合靈蟾已隕西松門來會葬車馬幾千蹄

板輿曾至鄭靈輒此歸周靄靄雲將夕亭亭月正秋九
原開祔穴故土覆新丘歲晏寒松下茅苫孝子留

挽湯丞相漢國夫人

大府
香山集

七秩芳名盛于今等逝波承天登宰輔看子掌編摩鳳
去青春獨鸞回此紫誥多他年彤管史兼述采平歌

林輿曾至... 隨吟然合靈... 六月... 詩寄東... 夫人

欽定四庫全書

香山集卷八

七言律詩

春水

宋 喻良能 撰

磬湖春水夜來生曉起雷聲逗雨聲去馬來牛心莫辨

鷓鴣鷓鴣眼俱明飄零花片有底急搖曳柳絲如許輕

旬月烟村半風雨榆錢好為買春晴

次韻送季直第入越

積雨新晴耳目醒長堦柳色靜閒庭已看桃萼蘸脂濕
未有楊花雪片零客路汝應懷稚子家居吾亦念樵青
須知兩地無百里不用陽關腸斷聽郵吏聽絲吹指彈
春院香一室來主親味雷聲夏雨聲去馬來牛心莫
陰陽一室冷兢兢燕坐何曾病鬱蒸只擬綸巾持羽扇
未須赤脚踏層冰滿盤碧玉初投箸一榻清風更曲肱
掃地焚香涼到骨疎簾何處欲揮蠅

進文四首
記夢

小窻幽閣睡初勻夢到鈞天侍紫宸盤號搯桃真異器
果名黃棗豈常珍殊恩併泆鴿原弟美味初嘗鶴髮親
願竭精忠圖報稱覺來肝膽已輪囷

次韻伯壽兄宿華藏有感

水淨溪空峯更青目雖未到已先明棟浮萬縷晴雲細
軒擁千重复木清幽興入門應自適殘樽下馬與誰傾
老僧齋罷唯須睡不信人間有月評

曉霽

夜來細雨暗冥冥曉起秋容入畫屏水色淨涵天影碧
林梢微露遠峰青嫩黃稼卧衡從畝老翠柳拖長短亭
一晌西風醒睡眼端如痛飲讀騷經
題繡川驛揖秀亭次張明府韻
一色蒼波百頃烟直楫橫檻覆華椽從來好景無今日
何限清詩似昔賢把醖有山來酒面凭欄無路到愁邊
我來政值雨新足芳草芊芊綠滿川

次韻趙禹平春日書懷

草色青青二月時物華雖是我廬非日明院宇燕相語
花發園林鶯亂飛無數小桃初掩映幾多垂柳自因依
春風十里歸吟筆未用羅幃繡幕圍

八月十四日亦好亭遲月不至分韻得秋字

亦好登臨似庾樓是中風月最宜秋素娥欲赴經年約
行雨潛分一段愁聊復飛觴追勝賞何妨秉燭事清游
明年此夕看明月千里相思楚水頭

次韻衛知機秀才梅花

東君賦次韻衛知機秀才梅花

東君調護亦多情瘦比夷齊徹骨清有韻綠毛時倒掛
無塵白鷺可同盟未應桃葉能稱姊若齒山樊定是兄

何事故園頻入夢疎枝新賞玉谿晴

桐川有玉溪梅
郡中施之圖畫

謝張使君惠簟

瘦玉敲風翠幹長織成漪浪瑩滄浪封題尚帶鄱江潤
卷贈猶餘燕寢香竹笛當年同秀質桃笙何處避寒光
微軀詎足當珍賜持奉親闈枕扇涼

送張使君

桐川風物最三吳刺史循良繼兩都但見賣刀還買犢
誰知有袴本無襦來時竹馬迎兒輩去日棠陰遶舍隅
攀斷車轅留不止他年應作祖張圖

寄題梅山

平生滿耳說梅山十里荷花繚繞間宮女三千顏綽約
繡衣十萬綵爛斑瀕江景好圖難畫飛鷺詩工語莫刪定
約後期窮勝賞不辭和月掉船還

寧川

平生滿耳說宣城入境雲煙照眼明
過雨偏濃千嶂碧未秋先冷數溪清
細看菡萏波間色時聽綿蠻竹裏聲
不是多才謝公子江山猶解發吟情
平玉齋再用前韻十里荷山無熱間
宮女三千賦艷餘晚驅羸馬背重城
曉度層巒淡月明醉與別愁相喚醒
秋兼詩思一齊清舞風繁蓼堤邊影
泣露寒蛩草際聲欲駐征鞍聊小憇
敢將王事徇私情日棠創志舍金甌
秋浦試院奉和馬駒父見寄

也知融帳多餘暇欲往論文偶未遑
棄置七何投轄飲經營俱下讀書行
子雲但覺玄猶白元亮應欣菊已黃
辱贈清詩不知報剽親燈火趁新涼

平生耳由當塗回宿齊山用杜牧之韻

一望雲烟興欲飛晴光聊復步熹微
幾年想像空懷古今日登臨自送歸
寒菊有花宜靖節澄江如練憶元暉
夜深靜坐清人骨巖影侵堦月滿衣
重九日青陽道中呈張主簿

重陽時候在青陽野店山肴對舉觴菊葉半開簪鬢好
摘包初破喫人香西風有意吹紗帽細雨無情濕錦障
但得一樽相對飲不須更問是他鄉登玉吹

一聖聖謁太平興國宮

平生耳滿太平名今日身親謁太平道子畫圖形未泯

廬君山水眼初明雨餘翠滴千峯色秋半寒生萬壑聲

扣石當年開洞府儻容凡骨到蓬瀛

觀門之左有劉越石乃康俗遇僊處

也

古本簡八月十五日夜試院翫月呈葉判官徐教授蔡

主簿

西風細逐桂枝生秋月圓從屋角明歡伯向人端有意

素娥於客亦多情試吟飛鵲南枝句更聽春蠶食葉聲

從此塗山添勝事四翁相遇四難并

亦好園梅花

一別經年見未曾衝寒相值意凌兢肌膚姑射仙人雪

品格中山孺子冰清淺池塘春未動黃昏離落月初稜

從來自倚心如鐵被惱如今似少陵黃谷蟻

次韻茂恭元日大雪意

逗曉褰幃着綠衣忽驚庭戶有光輝緩將栢葉隨觴舉

細看梅花伴雪飛阿堵無心來潤屋詩仙有句到柴扉

酒酣笑共兒曹說去歲如今歸未歸予去歲元日猶攝邑婺原未還侍傍

也

柳季修知丞以詩見貽次韻為謝

古木陰陰繞屋廬官居端的似田居詩清子厚龍城句

字瘦誠懸殿壁書那復有心追四至只應無事富三餘

一樽閒論金罍事為笑紛紛竭澤漁仲修嘗與子論及前此縣僚以為笑

送交代李丞元舉

藍田松下日棲遲不比韓公作記時鷓首千行攀別淚

牛腰幾軸送行詩我無楚尾歌來暮君有齊民頌去思

自是中年多作惡可堪烟雨話分離

春晝偶書

溪流如帶碧縈紆滿地閒花雜野蔬濃淡柘陰三月暮

金定四庫全書 卷八
淺深山色晚晴初，頗驚井落家徒壁。却喜盤飧食有魚，
蜀魄健啼春又老。揮鞭吾亦憶吾廬。

自吳中題顏范祠堂

聖宗神唐兩鉅人，高風勁節許誰倫。闡闡自昔宜雙廟，
輪奐于今始一新。破敵威名優魏國，偃藩功業過張巡。
後先來作江城守，俱障西風避瘦塵。

宴餞逢寺丞口號

一扇清風自楚臺，公堂蔥鬱玳筵開。旌幢映座千峯日，

鼓吹喧天萬壑雷。秋水幾行揮玉箸，春蔥一指送金杯。
甘棠不獨留遺愛，會見翻為調鼎梅。

捕盜至栗洪嶺下道人庵滯留數日遣興

亂山深處小溪隈，夏木陰陰水半回。風岸欹斜對青竹，
雨枝低重弄黃梅。濃愁難辦新詩語，舌耗聊傾濁酒杯。
戲綵老人須強飯，玉鈎纔吐即歸來。

題開先寺

少年魂夢到廬山，今日親遊鬢已斑。聊復揮毫吟紫翠，

未妨拄頰對孱顏遙看飛瀑三千丈近去青天咫尺間
不為白雲頻屬念應遊此地不知還

壯觀端宜冠九州未應萬壑敢爭流盡將銀漢為懸瀑
一洗紅塵變凜秋白雨廉纖飛迥野玉龍夭矯下靈湫
廬山處處雖奇絕不到開先未是游

鵝湖寺

在鉛山縣舊名仁壽院以鵝湖山得名

長松夾道搖蒼煙十里絕如靈隱前不見素鵝青嶂裏
空餘碧水白雲邊氛埃斗脫三千界瀟灑疑通十九泉

五月人間正炎熱清涼一覺北窻眠

水鳥飛來一問津壁宮珠塔便紅塵開基古佛留遺像

直日竒峯列衆賓芋火擁殘知永夜霜鐘遞起嚮初晨

川途渺渺驅塵駕回首林泉愧野人

游西源于白雲峯下烟霏霧靄間逢一女子縞

裙翠袂玉雪可念同遊十有二人遂共酌酒于

大石屏季直弟有詩因用其韻

相携攝履響層巒翠蔓蒼蘿着處攀身在天臺秋色裏



原件短缺

路經巫峽暮雲間欲飛還任一仙子似淡如濃雙遠山
笑盡一樽無處覓斷腸霧鬢與風鬟

西禪寺

修廊千柱雁城陰山並廬山勝二林六月簷楹無暑氣
四時山水有清音鳥飛不盡上方遠鯨吼希聞別院深
更欲題詩發佳境泮林誨說總關心

予卧病數日意思殊昏昏中秋強起陪老人把
酒對月不敢濡唇吻思去歲在當塗試院與諸

公飲酒賦詩又一載矣因成長句

楚水塗山各一涯今年還似去年時古來明月皆如此
我試停杯一問之丹桂飄香知有子飛鳥遶樹似無枝
直須看到冰輪昃忍負姮娥隔歲期

次韻戲綵老人重陽懷故園作

瀟灑秋容雨後天丹青端似倩龍眠故園綠竹應今日
異縣黃花又一年微祿祇堪供菽水菲材安敢擬淵騫
日來王事欣多暇聊向樽前一粲然

日來王送閣紫微歸蜀

曲江分袂十年中一笑相逢楚水東
西掖判花知思湧南墻哦竹坐詩窮
秋風但覺舳舻駛晝繡何妨畫戟雄
道過夔門王內史為言雙鬢已如蓬

寄周彥禮知丞樓文舉司理

從容里閤待時須二老風流孰與俱
遷善節香如故否望雲迎月更佳無
醲寒凜凜侵衣袂薄雪斑斑入畫圖
欲把一杯論舊事五年魂夢隔江湖

真山次韻伯壽兄見寄

江國踈梅吐玉英故園想見木欣榮
二年鴻鴈碧雲濶千里江湖春水生
冉冉池塘應入夢瀟瀟風雨若為情
行看戲綵青萱發準擬芳樽相對傾

二月十五日陪府公出郊勸農

雨過郊原草色勻元戎小隊出城闈
聊穿阡陌溝塍路徧勸耨耰襍人紅杏
梢頭春意好綠楊深處鳥聲新
此行端為劭農設肯學醺酣吐錦茵

陪曹使君牧馬寺勸農

朱轡小隊出郊坰
風捲濃陰作快晴
夾道老人迎五馬
轉枝黃鳥避雙旌
參差麥隴雲屯重
零亂梅花雪片輕
勸課定知非小補
扶犁携餉趁春耕

次韻木蘊之狀元見寄之作

水遶星山木遶廬
江城孤絕政愁予
烏言為吏居篁竹
鳥鬼得魚歡里閭
照眼梅花寒皎皎
關心烟雨晚踈踈
真仙多謝遙相憶
長句新詩細字書

登五峯亭望廬山

平生廬阜去無因
咫尺于今不得親
願我塵勞四十九

羨他蕭散二仙人
太白四十九游廬山東坡四十九矣
會當拄

頰看山色更欲題
詩滿澗濱為報草堂蓮
社友掃雲開

戶待游輪

出曉詩詠月

何年玉斧巧修成
半似明生半魄生
易使飛鳥來匝繞

難將老蚌較虧盈
吳都賦蚌蛤珠胎與月虧全
桂枝不逐秋風老
水

影長隨夜氣清曾是廣寒宮裏客舊遊重訪更含情水

出郭旌旗及曉晴朔風凜凜水泠泠堵墻野老瞻泥軾

冠釵長松拂屏星破臘梅花強半白先春草色未多青

經行肯為遊觀美王事馳驅不敢寧

美少蕭曉行霜重如雪

霜重寒威一夜加曉來人迹板橋斜已看白雁來千里

想見青州滿百花何處菊枝猶復耐故園橘味定堪嘉

慈顏正念征裘薄歸去萱堂笑語譁

挽施州使君鍾公

弱冠為儒世所推中年事業更瓌竒才名屢致諸公薦

讜論深蒙睿主知郡政堅強同薤水行囊蕭瑟似琴龜

只今惟有清江路父老相逢說去思

欽定四庫全書

... 子李...

... 及...

... 今...

... 主...

... 能...

... 慈...

... 念...



